


انالوم باتك
سدقملا



The Holy Bible in the Hassaniyya language of Mauritania:

(Bible) سدقملا انالوم باتك

المقدس مولانا اكتاب

**The Holy Bible in the Hassaniyya language of Mauritania: اكتاب
المقدس (Bible)**

copyright © 2024 Pioneer Bible Translators

Language: (Hassaniyya)

Contributor: Pioneer Bible Translators

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 26 Jul 2025 from source files dated 13 May 2025
e6f0c3d8-299e-5aac-95be-a59aa7e65092

Contents

التكوين سفر 1

سفر التكوين

بداية العالم

- 1 فالبداية خلق مولانا العالم، وهاذي هي الطريقة الي خلقو بيها:
- 2 فالبداية كانت لارض ماهي منتظمة ولا فيها شي، وكانت الظلمة امغطية الماء، وروح مولانا يحوم فوقو.
- 3 وكال مولانا: يخلق النور، واخلق النور.
- 4 وخرص مولانا النور وشاف النور زين. وافصل مولانا النور عن الظلمة.
- 5 وسما مولانا النور انهار، وسما الظلمة ليل. وعاد ليل وعاد امع الصباح. وكان ذاك هو اليوم لأول.
- 6 وكال مولانا: تخلق قبة امبين المياه اياك اتكسم المياه شور قسمين.
- 7 وخلق مولانا قبة وافصل المياه الي تحت القبة عن المياه الي فوقها. واخلق هاذا.
- 8 وسما مولانا القبة السماء، وعاد ليل وعاد امع الصباح. وكان ذا اليوم الثاني.
- 9 وكال مولانا: يجتمعو المياه الي تحت السما كاملين فابليدة وحدة اياك تظهر التراب، واخلق ذا.
- 10 وسما مولانا هادي التراب لارض، وسما بل امنين اجتمعو المياه لبحور. وخرص مولانا وشاف ذاك كامل زين.
- 11 وكال مولانا: تعطي لارض النباتات الي فيها لبدور، ويخلق اصدر رافد الثمار الي فيها لبدور بكل انواعهم اعلى لارض. واخلق ذا.
- 12 ووضخت لارض النباتات الي فيها لبدور بكل انواعهم، واعطت املي اصدر رافد ثمار فيها لبدور من نوعهم. وخرص مولانا وشاف ذا كامل زين.
- 13 وعاد ليل وعاد امع الصباح. وكان ذا اليوم الثالث.
- 14 وكال مولانا: يخلقو لأنوار قبة السما اياك يميزو النهار عن الليل ويعودو علامات يحددو لأيام والسنين ولعياد.
- 15 ويخلقو أنوار قبة السما اياك يظو اعلى لارض. واخلق ذا.
- 16 وخلق مولانا لأنوار لكبار لأشئين: خلق النور لأول لكبير اياك يعود فانهار، وخلق النور الثاني الصغير اياك يعود فالليل، وخلق مولانا النجوم املي.
- 17 ودار مولانا هاذا لأنوار فقبة السما اياك يظو اعلى لارض،
- 18 واجعلهم مولانا هوما المسؤولين عن انهار وليل وهوما الي يميزو النور من الظلمة. وخرص مولانا وشاف ذا كامل زين.
- 19 وعاد ليل وعاد امع الصباح. وكان ذا اليوم الرابع.
- 20 وعاكب ذا كال مولانا: تمتلا المياه بياسر من المخلوقات الحيين، واتعود فم اطيرو اتطير امبين لارض والسما.
- 21 وخلق مولانا وحوش لبحور لكبار، وكيف ما خلق المخلوقات الحيين كاملين الي املان منهم الماء، خلقهم من كل نوع. وخلق املي كل اطير برنشاتو من كل نوع. وخرص مولانا هاذا وشافو زين.
- 22 ودار مولانا فيهم البركة وكال: اثمرو واكثرو ويمتلاو مياه لبحور بالمخلوقات، وياكثرو الطيور اعلى لارض.
- 23 وعاد ليل وعاد امع الصباح. وكان ذا اليوم الخامس.
- 24 وكال مولانا: تعطي لارض مخلوقات حيين من كل نوع: من حيوان يربأ وزواحف وحيوانات نغلا من كل نوع. واخلق ذا.
- 25 وخلق مولانا الحيوانات نغلا من كل نوع، والحيوان الي يربأ من كل نوع، وكل حيوان يزحف اعلى التراب من كل نوع. وخرص مولانا وشاف ذا زين.
- 26 وعاكب ذاك كال مولانا: اخلقو لإنسان اعلى شي من صيفاتنا، وسلط مولانا لإنسان اعلى حوت لبحر واطيور السما والحيوان الي يربأ وحيوان نغلا اعلى التراب واعلى كل حيوان يزحف اعلى التراب.
- 27 وخلق مولانا لإنسان اعلى شي من صيفاتو، اعلى شي من صيفاتو خلقهم راجل وامرة.
- 28 ودار مولانا فيهم البركة وكال: اثمرو واكثرو وعودو ياسرين وسيطرو اعلى لارض، واستلظو اعلى حوت لبحر واطيور السما وكل شي يتحرك اعلى لارض.
- 29 وكال مولانا: اراي اعطيتكم كل اصدر اعلى وجه لارض رافد البذور. اعطيتكم كل صدراية رافدة لكم ثمار اياك تاكلوهم.
- 30 يغير لحيوانات لارض واطيور السما كاملين وكل الحيوانات الصغيرة الي تزحف وكل مخلوق فيه روح، اتعود النباتات اطعامها. واخلق ذا.
- 31 وخرص مولانا هاذا وشافو زين حتته. وعاد ليل وعاد امع الصباح. وكان ذا اليوم السادس.

اخلاكية العالم- القصة الثانية

- 1 وبهاذي الطريقة اوفوا السماوات ولاارض وذا كامل الي فيهم.
- 2 وعاكب يلين اوفامولانا من شعلتو كامل، استراح فاليوم السابع .
- 3 وبارك مولانا اليوم السابع وكال اعلنو مخصصلو، ببيلي اوفافيه من خلط العالم.
- 4 هاذي هي قصة السماوات ولاارض وقت اخلاقتهم: اليوم الي خلط الله تعالى لاارض والسماوات
- 5 ما كانت أي اربعة خالكة اعلى لاارض، ولا كان املي أي اصدر فات انبت، ببيلي الله تعالى مافات فهذا الوقت مشأا صاحب اعلى لاارض، ولا كان فات اخلاط أي آر كاج يحرت التراب.
- 6 يغير كان يوخط من لاارض فهذا الوقت عين من الما تسكي التراب.
- 7 وعاكب ذاك خلط الله تعالى الراجل من التراب وانفخ فاخنافرو الحياة وعاد الراجل نفس حية.
- 8 وعاكب ذاك اغرس الله تعالى اصدر فالبلدة زينة فعدن فالشرق وفم عاد عايش الراجل الي خلط.
- 9 ونبت الله تعالى من لاارض كل نوع من الصدر الزين وصالح اللوكيل . وكانت فوسط هاذي لبلدة الزينة صدرية تعطي الحياة وصدراية اخرا تعطي معرفة الصالح والطالح.
- 10 وكان فم نهر يمشي فهادي لبلدة الزينة الي فعدن اياك يسكيها، وكان هاذا النهر يتفرو منو 4 فروع.
- 11 اسم لأول هو فيشون وهو الي يوخط احذا ارض الحويلة كاملة بل امتين فيه الذهب.
- 12 والذهب الي فم من نوعية زينة، وفم املي ازين لبخور واججار العقيق.
- 13 واسم الثاني هو جيحون وهو الي يوخط احذا ارض كوش كاملة.
- 14 واسم الثالث هو دجلة ويوخط شرق آشور. والرابع اسمو الفرات.
- 15 واكفظ الله تعالى الراجل ودارو فهادي لبلدة الزينة الي فعدن اياك يحرتها ويرعاها.
- 16 ووصا الله تعالى الراجل وكالو: اتكبد توكل الي تبغي من الصدر ذي لبلدة الي فعدن.
- 17 يغير ذيك الصدراية الي تعطي المعرفة امين الصالح والطالح، لا توكل منها، ببيلي الوقت الي توكل منها لاهي اتموت .
- 18 وكال الله تعالى: ماهو زين يبكا الراجل وحدو، ولذاك لاهي انخلبكلو معين اياك يشارك حياتو امعاها.
- 19 وخالط الله تعالى من التراب كل حيوان فلحريشة وكل اطيور السما. وعاكب ذاك جابهم كاملين للراجل اياك يشوف شلاهي يسمي كل واحد منهم. وكل مرة يسمي واحد من المخلوقات يعود ذاك اسمو.
- 20 وسما الراجل الحيوانات كاملين الي يربأو واطيور السما كاملين وحيوانات نغلا كاملين ، يغير ما اجبر امينهم واحد يعاونو ويشابهلو.
- 21 وركبذ الله تعالى الراجل ار كادو، وفوق ار كادو، اكفظ الله تعالى ظلعة من اظلوعو وغطا بها بالجل .
- 22 وعاكب ذاك خلط الله تعالى من الطلعة الي اكيفها من الراجل امرة وكدمها لو.
- 23 وكال الراجل: ظرك، هادي اعظم من اعظامي ولحمة من لحمي، ولاهي انسميا امرة ببيلي انكبظت من امرئ.
- 24 ولذا السبب ينخل الراجل بوه وأمو ويلتصك باعيا لو، ويعودو عابلة وحدة.
- 25 وكانو الراجل واعيا لو كلهم عريان، يغير ما كانوا يستحوا.

3

بداية العالم

الذنب لأول

- 1 وكان الحنش هو أملك حيوانات نغلا الي خلط الله تعالى. وكال للهرة: كحكك كالكم الله تعالى : لا توكلو من أي صدرية فهادي لبلدة الزينة ؟
- 2 وكالت مرة للحنش: ابدي انكبدو نوكلو من احدج الصدر كامل الي فهادي لبلدة،
- 3 يغير الصدراية الي فوسط هاذي لبلدة الزينة، كيط كالنا الله تعالى: لا توكلو منها ولا اتمسوها اياك ما اتموتو.
- 4 وكال الحنش للهرة: ابدي مانك لاهي اتموتو .
- 5 يغير الله تعالى يعرف اعلنكم الوقت الي توكلو منها لاهي اتعود عنكم معرفة اجديدة واتعودو كيفت الله تعالى اتميزو امين الصالح والطالح.
- 6 وشافت مرة اعلن الصدراية زينة اللوكيل وتجذب شورها العين، ومرغوب فيها بسبب الي تعطي من الحكمة لحد يوكل منها . وكبظت من احدجها وكالت. ومن فم اعطت لراجلها الي كان امعاها وكال هو املي.
- 7 وانفتحو عينيم، وفظنو اعلنهم عريانين. وخطو اورك صدرية التين وصنعو لروسهم لباس يغطي عورتهم.

- 8 ومن فم سمعو صوت الله تعالى ماشي فهادي لبلدة الزينة وقت مشي الريح، واتروقو الراحل واعيالو من الله تعالى امبين اصدر هادي لبلدة.
- 9 وعبط الله تعالى للراحل وكألو: اتنا امين؟
- 10 وكال الراحل: اسمعت صوتك فهادي لبلدة وتخلعت بيلى أنا عربان، واتوقت عنك.
- 11 وكألو الله تعالى: من كالك اعنك عربان؟ اترك كلك من الصدرية الي انهيتك عن توكل منها؟
- 12 وكال الراحل: لمرة الي المعاي، اعطاتي من احدج الصدرية وكلت.
- 13 وعند ذاك كال الله تعالى للمرة: ذا الي عدلتني شنو؟ وكالتلو لمرة: الحنش احتال اعلي وكلت من احدج ذيك الصدرية.
- 14 وكال الله تعالى للحنش: بيكي اتنا عدلت ذاك، اتعود ملعون أكثر من المخلوقات لخرين كاملين. وكل أيام حياتك لاهي تحي اعلي كرشك، ولاهي توكل التراب،
- 15 ولاهي اندير عداوة امبينك و امبين لمرة و امبين نسك ونسلها. لاهي بيعج نسلها راسك واتنا لاهي اتعظو فالعركوب.
- 16 وكال الله تعالى للمرة: لاهي انكتر اوجاع حملك. وبلا لام لاهي تبراى أولادك، ولاهي تخدي راجلك، ولاهي يسود اعليك.
- 17 وكال الله تعالى للراحل: اتنا اسمعت الي اقترحت اعيلك وكلت من الصدرية الي انهيتك عن توكل منها. ولذا لاهي نلعن لارض، ولانك لاهي اتعود توكل منها يكون بالكذ والتعب كل أيام حياتك.
- 18 ولاهي اتبنتك الشوك وبنيتي، ولاهي توكل من اصدر لخرينة .
- 19 اتحصل اطعامك باعرط جبهتك، بلين ترجع للتراب الي اوخلبكت منها. من التراب اوخلبكت وشور التراب لاهي ترجع.
- 20 وسما آدم اعيالو حواء بيبي لاهي اتعود أم البشر كاملين.
- 21 واصنع الله تعالى لباس من جل حيوان لآدم واعيالو، ولبسولهم.
- 22 وكال الله تعالى: اراعي عاد لإنسان كيف واحد منا فاتميز امبين الصالح والطالح، وظرك عاد بيك. يد ايدو ويكبط من احدج صدرية الحياة ويوكل منها ويعيش إلى الأبد.
- 23 وصاعو الله تعالى من لبلدة الزينة الي فعدن اياك بحرت التراب الي اوخلبكت منها.
- 24 وعاكب بلين صاع لإنسان، دار مولانا نجية شرق عدن نوع من الملائكة اسمهم الكرويم الي كانو رافدين سيف من نار يزكبن اياك يحرس اطريك الي واعدة صدرية الحياة.

4

بداية العالم

أول مرة يموت آركاج

- 1 وعاش آدم اعيالو حواء وحملت منو وخالتلو اطفيل اسمو قابيل وكالت: ارزقني الله تعالى باطفيل.
- 2 وعاكب ذاك خلات خوه هابيل. وكان هابيل راعي لغنم، وقابيل كان مزارع .
- 3 وعاكب فترة كيدم قابيل لله تعالى قربان من خيرات لارض.
- 4 وهابيل كيدم اشبه الي عدنو من اكبر لغنم واسمها. واكل الله تعالى قربان هابيل،
- 5 يغير قربان قابيل ما يكلو. وانفجع قابيل حته، و عاد وجهو امعيس.
- 6 وكال الله تعالى لقابيل، اعلاش تنفكع؟ اعلاش يعبس وجهك؟
- 7 بلين اتعدل شي صالح نجبو، وإلين اتعدل شي ما هو صالح لاهي يعود ذنبك البركب من بابك ويدور يتحكم فيك، ولا تخليه يتحكم فيك.
- 8 وكال قابيل نظوه هابيل: وهاي جاي نمشو شور الخلوات. وقالوقت الي كانو فيه هوما لأثنين فالخلوات، اهم قابيل اعلي خوه هابيل وككلو.
- 9 وكال الله تعالى لقابيل: امين خوك هابيل؟ وكألو قابيل: ما نعرف. أنا اثرى حارس نلوي؟
- 10 وكال الله تعالى: شنو الي عدلت؟ دم خوك يزوكلي من التراب.
- 11 من ظرك لارض لعنتك وفتحت فها لدم خوك الي اكلتو بايدك.
- 12 بلين تحرت التراب ماهي لاهي تعطيك شي. واتنا لاهي اتعود واقد بلا مسكن.
- 13 وكال قابيل لله تعالى: عقابي امتن من انكذ تتعلمو.
- 14 اتنا اليوم صععتني من لارض اياك تخفتني من حضرتك واتعود ابلا مسكن فالدنيا، وأي آركاج يجبرني يكلني.
- 15 وكألو الله تعالى: ابدى، الي يكلك لاهي اتعاقبو باسبع مرات عقابك. ودار الله تعالى علامة اعلي قابيل اياك ما يكلو حد يجبرو.

- 16 وامشا قابيل عن محضر الله تعالى واسكن فارض نود الي شرق عدن.
 17 وعاشر قابيل اعيالو وحملت وخالنلو اطفال اسمو حنوك. وكان قابيل وقتها بيبي مدينة، وسماها حنوك اعلى اسم ولو.
 18 وحنوك اجبر ايشيرو اسمو عيراد، وعيراد اجبر محويل، ومحويل اجبر متوشيل ومتوشيل اجبر لامك.
 19 واتعرس لامك مع مرتين: وحدة منهم اسمها عادة ونخر اسمها صلة.
 20 وخالنل عادو يابال وهو أول آر كاج اسكن فلخيماج واسرح لغنم.
 21 واسم حوه يوبال وهو أول آر كاج اخبط التيدينيت والتيفارة .
 22 وصلة خلات توبال قابيل وهو أول آر كاج اصنع آلات من النحاس والحديد، واختر اسمها نعمة.
 23 وكال لامك لاعلياتو عادة وصلة: يا عادة وصلة اسمعو اكلامي يا اعليات لامك، عدلو الي انكولكم: أنا اكلت راجل اجر حني وشاب اخيطني.
 24 وبالتالي يلين يعود يخلص لقابيل 7 مرات لاهي يعود يخلص للامك 77 مرة.
 25 وعاشر آدم حواء مرة اخرا وخالنلو اطفال وسماتو شيث وكالت: ارزقني مولانا باطفيل اونخر بل هايبل الي نكلو قابيل.
 26 واجبر شيث اطفال وسماه أنوش. وفذاك الوقت ابدوا الناس يعبدو الله تعالى.

5

بداية العالم

- سلسلة نسب النبي آدم يلين النبي نوح
 1 هاذا سجل مواليد آدم: اليوم الي خالڤ مولانا فيه لإنسان، خلڤكو اعلى شي من صيفاتو.
 2 وخلڤكهم راجل وامرة وباركهم وسماهم لإنسان.
 3 والين عاد عند النبي آدم 130 سنة، اجبر ول يشاهلو اعلى صيفاتو وسماه شيث.
 4 وعاش آدم بعد اخلاڤة شيث 800 سنة، واجبر فيها أولاد اخرين وامنات.
 5 وكان آدم عندو 930 يلين اتوفا .
 6 والين عاد عند شيث 105 سنوات اجبر أنوش.
 7 وعاش شيث بعد ذاك 807 سنوات، واجبر فيها أولاد اخرين وامنات.
 8 وكان عند شيث 912 سنة وقت وفاتو .
 9 والين عاد عند أنوش 90 سنة اجبر قينان.
 10 وعاش أنوش عاڤب ذاك 815 سنة، واجبر فيها أولاد اخرين وامنات.
 11 وكان عند أنوش 905 سنوات وقت وفاتو .
 12 والين عاد عند قينان 70 سنة اجبر مهليلث.
 13 وعاش قينان بعد ذاك 840 سنة، واجبر فيها أولاد اخرين وامنات.
 14 وكان عند قينان 910 سنوات وقت موتو.
 15 والين عاد عند مهليلث 65 سنة اجبر يارد.
 16 وعاش مهليلث عاڤب ذاك 830 سنة، واجبر فيها أولاد اخرين وامنات.
 17 و كان عند مهليلث 895 سنة وقت وفاتو .
 18 والين عاد عند يارد 162 سنة اجبر النبي إدريس.
 19 وعاش يارد عاڤب ذاك 800 سنة، واجبر فيها أولاد اخرين وامنات.
 20 وكان عند يارد 962 سنة وقت وفاتو .
 21 والين عاد عند النبي إدريس 65 سنة اجبر متوشالڤ.
 22 وعاش النبي إدريس عاڤب ذاك 300 سنة. كان متقي فيها مولانا، واجبر فيها أولاد وامنات.
 23 وكان عند النبي إدريس فهاذا الوقت 365 سنة.
 24 وكان النبي إدريس متقي فيها مولانا. وعاڤب ذاك اختفا النبي إدريس ببلي رفعو مولانا شورو.
 25 والين عاد عند متوشالڤ 187 سنة اجبر لامك.
 26 وعاش متوشالڤ عاڤب ذاك 782 سنة، واجبر فيها أولاد اخرين وامنات.
 27 وكان عند متوشالڤ 969 سنة وقت موتو.
 28 والين عاد عند لامك 182 سنة اجبر اطفال،
 29 وسماه نوح وكال: هاذا الول يخفف عنا تعبنا والمشقات الي اتعاونها فلارض الي العنبا الله تعالى.
 30 وعاش لامك بعد اخلاڤة نوح 595 سنة، واجبر فيها أولاد اخرين وامنات.

³¹ وكان عند لامك 777 سنة وقت وفاتو .
³² والبن عاد عند نوح 500 سنة، اجبر سام وحام ويافث.

6

بداية العالم

- النبى نوح يستعد للطوفان
¹ والبن ابداء البشر يكافرو فلارض وخلقهم امناث،
² شافو الملائكة اعلن امناث البشر ازونيات وكبظوهم واتعرو امعاهم كيف ما ابغاو.
³ وكال الله تعالى: روجي ما بيكا فلإنسان الزمن كامل بيبي هو إنسان فاني ومن ظرك ماهو لاهي يعيش أكثر من 120 سنة.
⁴ ومن ذاك الوقت عاد فلارض لجبايرة بيبي الملائكة اتعرو امع امناث البشر وجبرو منهم أولاد. وكانو أولادهم هوما لجبايرة اللي معروفين بالحرب من ذاك الزمن.
⁵ وعاكب ذاك شاف الله تعالى اعلن شر لإنسان انزاد حته فلارض، واعلن رغبات لإنسان وافكار كلبو كاملين دائما ماهم امسكبين.
⁶ واتكدر الله تعالى حته فيكلبو اعلمو خلقك لإنسان فلارض.
⁷ وكال الله تعالى: لاهي انفرك البشر اللي خلقتهم من اعلى لارض، الناس امع الحيوان والمخلوقات اللي يزحفو اعلى اكروشتهم والطيور السما بلي اتدمت اعلي خلقتهم.
⁸ يغير النبي نوح ارضا اعليه الله تعالى.
⁹ وهادي هي قصة النبي نوح: هو كان آر كاج صالح ومتقي مولانا من امبين أهل جيلو، ويعدل كل شي طلبو منو مولانا.
¹⁰ واجبر اثلث أولاد هوما سام وحام ويافث.
¹¹ عادت لارض فاسدة عند مولانا وعاد فيها الظلم وشر لإنسان.
¹² والبن شاف مولانا هاذا الفساد اللي خسر حياة كل البشر،
¹³ كمال مولانا للنبي نوح: جات نهاية هاذا الزمن، ولاهي انفرك البشر كاملين من الوجود بيبي بسببهم امتلات لارض من الظلم. لاهي اتبيدهم واتبيد لارض امعاهم.
¹⁴ وعدل لراضك سفينة من لعمد لمان، وابني فيها ابوت وادهنها بالطين من الكدام ومن النكر اياك الما ما يدخل فيها.
¹⁵ وتبينها بهادي الطريقة: طول السفينة يعود 150 ميتر، وعرضها يعود 25 ميتر، وطولها اعلى القوكل يعود 15 ميتر.
¹⁶ واتعدل فيها مغطاية يعود امبينها امع السفينة 50 سانتيمتر، واتعدل فيها باب، واتعدل فيها ثلاثة طوابق، التحتاني والوسطاني والقوقاني.
¹⁷ بيلي راعيني لاهي اتمشي طوفان اعلى لارض اياك انفرك كل مخلوق حي تحت السماء. وكل شي اعلى لارض لاهي يهلك.
¹⁸ يغير لاهي اتعدل عهدي امعك وتدخل السفينة اتنا وأولادك واعبالك واعليات أولادك امعك.
¹⁹ وتكبظ امعك فالسفينة 2 من كل مخلوق اذكر ونثي اياك يسلكو امعك:
²⁰ اثنين من كل نوع من الطيور ومن كل نوع من الحيوانات ومن كل نوع الحيوانات اللي يزحفو اعلى اكروشتهم اياك يجياو.
²¹ واكبظ امعك كل شي ينتكل واتخزنو اياك يعودهم ويعودلك الطعام.
²² وعدل النبي نوح كل شي اطلب مولانا منو.

7

بداية العالم

- مولانا يسلك النبي نوح وعابلتو من الطوفان
¹ ومن فم كمال الله تعالى للنبي نوح: ادخل فالسفينة اتنا وكل أسرتك، بيلي اجبرتك وحدك صالح فهاذا الجيل.
² واكبظ امعك من كل نوع من الحيوانات لخلال اسبع اذكور واسبع نائي، والحيوانات اللي ماهم احلال تكبظ من كل نوع اثنين من الذكور واثنين من النائي.
³ واملي تكبظ من كل نوع من الطيور اسبع اذكور واسبع نائي اياك بيكا جنسهم اعلى لارض.
⁴ بيلي عاكب اسبعة أيام لاهي اتمشي اسحاب اعلى لارض، ولاهي اتم ماشة مدة 40 يوم قليل وانهار، اياك انفرك كل مخلوق حي كبظ خلقك من اعلى لارض.
⁵ وعدل النبي نوح كل شي اطلب منو الله تعالى.
⁶ وكان النبي نوح فهاذا الوقت عندو 600 سنة وقت اجي طوفان اعلى لارض.

- 7 وادخل النبي نوح فالسفينة هو وأولادو واعمالو واعليات أولادو اياك يسلكو من ما الطوفان.
- 8 ودخلو املي الحيوانات لخلال والحيوانات الي ماهم احلال والطيور والحيوانات الي يزحفو اعلى اكروشتهم.
- 9 وجاو للنبي نوح ودخلو فالسفينة اعلى شكل أزواج اذكر ونيثي كيف ما اطلب مولانا من النبي نوح.
- 10 وعاكب اسبعة أيام جا الطوفان اعلى لارض.
- 11 فسنة 600 من حياة نوح فالشهر الثاني فاليوم 17 من الشهر، انفجرت المياه الي كانت عميقة فالتراب وانفتحو ابواب السماء.
- 12 ونزلت اصحاب اعلى لارض قليل وانهار مدة 40 يوم.
- 13 وفذاك اليوم نفسو ادخل النبي نوح فالسفينة هو وأولادو، سام وحام وياث واعيال نوح واعليات أولادو الثلاثة.
- 14 وكان معاهم من كل نوع من حيوانات نغلا والحيوانات الي يُربّأو والحيوانات الي يزحفو اعلى اكروشتهم والطيور.
- 15 من كل المخلوقات الحيين جاو للنبي نوح ودخلو فالسفينة اعلى شكل أزواج
- 16 اذكر ونيثي من كل مخلوق كيف ما اطلب مولانا من النبي نوح. وعاكب ذاك اكيفل الله تعالى باب السفينة.
- 17 وواصل الطوفان مشيه اعلى لارض مدة 40 يوم، وركب ما الطوفان السفينة فولك لارض.
- 18 وكانت المياه الياسرة اتواصل مشيا اعلى لارض والسفينة ماشة فولك الما.
- 19 وازدادت المياه حتة يلين غطت لكدا لكجار كاملين الي تحت السماء.
- 20 وواصلت المياه مشياً يلين الحلق طولها اعلى الفولك اسع امتار فولك لكدا لكجار.
- 21 وماتو كل المخلوقات الحيين الي كاتو موجودين اعلى لارض من الطيور وحيوانات نغلا والحيوانات الي يُربّأو والزواحف والبشر.
- 22 ومات كل مخلوق حي يتنفس اعلى لارض.
- 23 وفرق مولانا من اعلى سطح لارض كل مخلوق اسوا من البشر والحيوانات والزواحف واطيور السماء، كاملين فرقو من لارض
- و لا ابكا ماهو نوح والي امعاها فالسفينة.
- 24 وابكأت المياه موجودة اعلى لارض مدة 150 يوم.

8

بداية العالم

- القران الي يكدم النبي نوح عاكب يلين وكيف الطوفان
- 1 ولا انسا مولانا النبي نوح وكل حيوانات نغلا والحيوانات الي يُربّأو الي امعاها فالسفينة، ومشا الريح اعلى لارض وبدات لارض اتمص الما.
- 2 وكات عين الما لكبيرة الي عميقة فالتراب انكفلت وابواب السما انكفلو، ووكفت اصحاب الجاية من السماء.
- 3 واتراجعت المياه عن لارض اشوي اشوي. وعاكب 150 يوم،
- 4 فاليوم 17 من الشهر السابع، وكفت السفينة اعلى اكدا أراراط.
- 5 وظلت المياه تنتكص يلين الشهر العاشر. وفاليوم لأول من الشهر العاشر ظهرو روس لكدا.
- 6 وعاكب 40 يوم افتح النبي نوح الكوة الي عدل فالسفينة.
- 7 ومشا اغراب واتم طائر فولك لارض يلين بدات المياه تيبس عن لارض.
- 8 وعاكب ذاك مشاً النبي نوح احمامة اياك يشوف إلى عادت المياه ييبس عن لارض.
- 9 ولا اجبرت حمامة ابليدة تنزل فيها يبيي المياه مزالت امغطية لارض كاملة. ورجعت حمامة شور النبي نوح فالسفينة. ومد ايدو واحكمها ودخلها شورو فالسفينة.
- 10 وحانا اسبعة أيام اخرين ومشا حمامة من السفينة مرة اخرا.
- 11 ورجعت شورو امع اغروب الشمس رافدة فحشمها وركبة من صدرية الزيتون اجديدة. وافهم النبي نوح اعلان المياه مصتها لارض.
- 12 وحانا اسبعة أيام اخرين وبعدين مشاً حمامة ولا رجعتلو هاذي المرة.
- 13 وفاليوم لأول من الشهر لأول من سنة 601 من حياة النبي نوح، فهاذا الوقت كانت المياه بدات تيبس عن لارض. وارفع النبي نوح مغطاية السفينة وشاف اعلان لارض تيبس حتة.
- 14 وفاليوم 27 من الشهر الثاني ييبس لارض تماما.
- 15 وكلم مولانا النبي نوح وكألو:
- 16 اوخط من السفينة اتنا واعيالك وأولادك واعليات أولادك.
- 17 ووخظ كل نوع من المخلوقات الحيين الي امعاك، من الطيور والحيوانات والزواحف اياك يتوالدو فلارض ويكثارو.
- 18 وحاظ النبي نوح وأولادو واعيالو واعليات أولادو

- 19 والحيوانات والزواحف والطيور والمخلوقات التي يتحركو اعلی الارض خاظو كاملین من السفينة بأنواعهم.
- 20 واينا النبي نوح مدبج لله تعالى واكپض واحد من كل الحيوانات لخلال والطيور لخلال واذبجهم وكدمهم لله تعالى كيف قربان محروك اعلی المدبج.
- 21 واكپضهم الله تعالى وارضا وكال الله تعالى امينو امع راصو: ماني لاهي نلنن لارض مرة اخرا بسبب لإنسان امع اعلن ميول كپبو شرير من صغرو. ولاني لاهي نكل كل مخلوق حي مرة اخرا كيف ما عدلت.
- 22 ومادامت لارض موجودة لاهي يعودو فيها مواسم لحرية والحصاد، البرد والجمان والصيد والشتا والنهار والليل. ولاهي يتم هذا هو حالها إلى الأبد.

9

بداية العالم

- بداية العهد امبين مولانا والبشر عاكب الطوفان
- 1 وبارك مولانا النبي نوح وأولادو وكألمهم: اثرو واكثرو واملاو لارض.
- 2 حيوانات نخلال الي فلارض واطيور السما والزواحف وحت لبحر كاملين لاهي يخافو منكم ويرهبوكم، بيئي مولانا اعطاكم السلطة اعليهم.
- 3 وكيف ما اعطيتم الصدر لخطر كيفت اطعام لكم، ترك عاطيكم الحيوانات.
- 4 يغير لا توكلو أي لحم مزال الدم فيه بيئي الدم هو الذي يمثل الحياة.
- 5 يغير دمكم انوما لاهي انعاقب اعليه كل حيوان سفكو، واملي كل إنسان لاهي نكلو اعلي حياة خوه لإنسان بيئي هو كيفتو.
- 6 ومن يسفك الدم لإنسان لاهي ينسفك دمو، بيئي مولانا خلطك لإنسان اعلي شي من صيفاتو.
- 7 يغير انوما اثرو واكثرو فلارض.
- 8 وكلم مولانا النبي نوح وامعاه أولادو وكألو:
- 9 أنا نطرك لاهي انعدل عهدي امعكم وامع نسلكم الي جاي اوراكم.
- 10 وامع كل مخلوق حي امعكم من الطيور والحيوانات الي يرتأو وكل حيوانات نخلال، وكل الي خاظ من السفينة وكل مخلوق حي اعلي لارض.
- 11 ولاهي انعدل عهدي امعكم ولا تبت لاهي نسمح باعلن اتفرق مياه الطوفان كل مخلوق حي مرة اخرا، ولا تبت لاهي نسمح باعلن الطوفان بيبي ويخسر لارض مرة اخرا.
- 12 وكال مولانا: هاذي هي علامة العهد الي لاهي انعدل بيني وبينكم وكل مخلوق حي امعكم فكل لاجيال،
- 13 لاهي اندير خط التدية فالسما ويعود علامة العهد امبيني وامبين لارض.
- 14 والين اثمتي السحاب فولك لارض ويظهر خط التدية فالسما،
- 15 بتذكر العهد الي امبيني وبينكم وامع كل نوع من مخلوق حي، ولا تتحول المياه شور طوفان يهلك كل مخلوق حي.
- 16 والين يظهر خط التدية فالسما لاهي انشوفو وتذكر العهد الي لاهي يدوم إلى الأبد امبيني وامبين المخلوقات الحية كاملين الي اعلي لارض.
- 17 وكال مولانا للنبي نوح: هاذي هي علامة العهد الي عدلتو امع كل مخلوق حي اعلي لارض.
- 18 هاذو هوما أولاد نوح الي خاظو من السفينة: سام وحام ويافث. وحام هو بو كنعان.
- 19 هوما أولاد النبي نوح الثلاثة ونسلهم هو الي انتشر فكل جهات لارض.
- 20 واشتغل النبي نوح فلحرية وحرث اصدر العنب الي يعدل منو عصير العنب.
- 21 واشرب من عصير العنب واسكر واتعرا نعيمتو.
- 22 وشاف حام بو كنعان عورة بوه وامشا وعلم اخوتو.
- 23 واكپضو سام ويافث حوبي وداروه اعلي اكافهم ودخلو شور بوهم النبي نوح فانعيمتو، وهوما كانو ماشين اعلي لورا وسترو عورة بوهم. وكانو وجوهتهم صادين اعلي الجبهة نظرا اياك ما يشوفو عورة بوهم.
- 24 والين اوعا النبي نوح من سكر واعررف الي عدلو ولو الصغير،
- 25 كال: ملعون كنعان ولاهي يعود أحقر من اعبيد اخوتو.
- 26 وكال املي: يا ربي وإلهي بارك سام واجعل كنعان عبد لو.
- 27 ووسع حدود يافث، ويسكن فاختيام سام ويعود كنعان عبد لو.
- 28 وعاش النبي نوح عاكب الطوفان 350 سنة.
- 29 والين اتوفا النبي نوح كان عندو 950 سنة.

10

بداية العالم

أُمم العالم

- 1 هاذي لاحة سبيل أولاد سام وحام ويافت أولاد النبي نوح، اللي خلقكولهم عاكب الطوفان.
- 2 أولاد يافت هوما جورم وماجوج وماداي وياوان وتوبال وماشك وتيراس.
- 3 وأولاد جورم هوما أشكاز وريفات وتوجرمة.
- 4 وأولاد ياوان هوما أليشة وترشيش وكتمم ورودانيم.
- 5 ومنهم اتفرعو الناس من قريات اللي اعلى حاشية لبحر اعلى حسب قبائلهم وشعوبهم ولغاتهم.
- 6 وأولاد حام هوما كوش ومصرايم وفوط وكنعان.
- 7 وأولاد كوش هوما سبا وحويلة وسبته ورعمة وسبتكا. وأولاد رعمة هوما شبا وددان.
- 8 وكوش اجبر ول اسمو نمروود اللي عاد محارب فلارض.
- 9 وكان صياد مانع بفضل الله تعالى. ولذا السبب يكول المثل: كيفت ثمرود هو صياد امتين بفضل الله تعالى.
- 10 وتكونت مملكتو فألود من مدن بابل وأرك وأكد وكنة فارض شنعار.
- 11 وعاكب ذاك هاجر شور أشور وابنا مدن نينوى ورحوبوت عبر وكالخ
- 12 ورسن اللي هي مدينة اكبيرة امين نينوى وكالخ.
- 13 ومصرايم اجبر قبائل لود وعنام ولهاب وفتوح
- 14 وقتروس وكفتور وكسلوح، ومن كسلوح جاو الفلشطييمين.
- 15 وكنعان اجبر اطفيل اسمو صيدون وهو بكر وبعدين اجبر حثا،
- 16 وكنعان هو املي بو البيوسيين ولأموريين والجرجاشيين
- 17 والحويين والعرقيين والسنينين
- 18 ولأرواديين والصماريين والحمانيين. وعاكب ذاك اتفرعو انفاظ قبائل الكنعانيين.
- 19 وامتدو حدود كنعان من صيدون بيلين غزة واخطين من جارا، اوورا ذاك شور لاشع واخطين من سدوم وعمورة وأدمة

وصيوتهم.

- 20 وهاذو كاملين هوما أولاد حام اعلى حسب قبائلهم ولغاتهم وشعوبهم وبلدانهم.
- 21 وسام هو خو يافت لكبير وهو املي اجبر أولاد وهو جد أولاد عبر كاملين.
- 22 أولاد سام هوما عيلام وأشور وأركشاد ولود وأرام.
- 23 وأولاد آرام هوما عوص وحول وجاثر وماش.
- 24 وأركشاد اجبر شالخ وشالخ اجبر عبر.
- 25 وعابر اجبر اطفيلين لأول منهم اسمو فاتو وهو اللي فأيامو انكسمت لارض. واسم خوه الثاني هو يقطان.
- 26 ويقطان اجبر أولاد هوما ألموداد وشالف وحضرموت ويارح
- 27 وهدورام وأوزال ودقلة
- 28 وعوبال وأبجيايل وشبا
- 29 وأوفير وحويلة ويوباب. وهاذو كاملين هوما أولاد يقطان.
- 30 وكانو ساكنين فإراضى لكدا اللي فالشرق اللي امين ميشع وسفارا.
- 31 وهاذو كاملين هوما أولاد سام حسب قبائلهم ولغاتهم وبلدانهم وشعوبهم.
- 32 وهاذو هوما قبائل أولاد النبي نوح حسب أنسابهم وشعوبهم ومنهم اتفركو الشعوب فلارض عاكب الطوفان.

11

بداية العالم

اخلاية لغات العالم

- 1 سلسلة نسب النبي نوح بيلين النبي أبرام
- 2 وكانت الناس كاملة اللي فلارض تتكلم بلغة وحدة ويستخدمو كلمات يعرفوهم كاملين.
- 3 واخلاق اعلن بيلين رحلت الناس شور الشرق جبرو واد فارض شنعار واتسعو فيه.
- 4 وكألو امبينتهم: وهاو نيكبظ الطوب ونشووه بالنار. واستخدمو الطوب بل مجار ونوع من الطين لمتين بل الطين العادي.

- 4 وكأول: وهاو بننو لروصنا مدينة وبرج يوصل طولو للسما ونعطو لروصنا هوية اياك ما تنفركو فكل جيهاات لارض.
- 5 وازل الله تعالى اياك يشوف المدينة والبرج اللي كانوا الناس يبنيهم.
- 6 وكال الله تعالى: يلين عادو وهوما شعب واحد ويتكلبو بلغة وحدة، بداو يعدلو هاذا، ماهو لاهي يصعاب عليهم يعدلو أي شي اوخر يتواو يعدلو.
- 7 ننزلو اصبا واخلطو لغتهم اياك كلهم ما يفهم لغة لوخر.
- 8 وشنتهم الله تعالى من فم فلارض كاملة ووكفو عن بناء لمدينة.
- 9 ولذا السبب أسمات لمدينة بابل اللي معناها الله تعالى خلط لغة العالم كامل. ومن فم شنتهم الله تعالى فكل جيهاات لارض.
- 10 وهاذي لاحة سجل أولاد سام: يلين عاد سام عندو 100 سنة اجبر أرفكشاد عاكب الطوفان بستين.
- 11 وعاش سام عاكب ذاك 500 سنة واجر فيها أولاد اخرين وامنات.
- 12 والين عاد عندو أرفكشاد 35 سنة اجبر شالخ.
- 13 وعاش أرفكشاد عاكب ذاك 403 سنوات اجبر فيها أولاد اخرين وامنات.
- 14 والين عاد عندو شالخ 30 سنة اجبر عابر.
- 15 وعاش شالخ عاكب ذاك 403 سنوات اجبر فيها أولاد اخرين وامنات.
- 16 والين عاد عندو عابر 34 سنة اجبر فاتق.
- 17 وعاش عابر عاكب ذاك 430 سنة اجبر فيها أولاد اخرين وامنات.
- 18 والين عاد عندو فاتق 30 سنة اجبر رعو.
- 19 وعاش فاتق عاكب ذاك 209 سنوات اجبر فيهم أولاد اخرين وامنات.
- 20 والين عاد عندو رعو 32 سنة اجبر سروج.
- 21 وعاش رعو عاكب ذاك 207 سنوات اجبر فيها أولاد اخرين وامنات.
- 22 والين عاد عندو سروج 30 سنة اجبر ناحور.
- 23 وعاش سروج عاكب ذاك 200 سنة اجبر فيها أولاد اخرين وامنات.
- 24 والين عاد عندو ناحور 29 سنة اجبر تارح.
- 25 وعاش ناحور عاكب ذاك 119 سنة اجبر فيها أولاد اخرين وامنات.
- 26 والين عاد عندو تارح 70 سنة اجبر أبرام وناحور وهاران.
- 27 وهاذا سجل أولاد تارح: تارح اجبر أبرام وناحور وهاران، وهاران اجبر لوط.
- 28 ومات هاران سابك بوه تارح فلارض اللي اخلط فيها شور أور الكلدانيين.
- 29 واتعرس كل من أبرام وناحور وكان اسم اعيال أبرام ساراي واسم اعيال ناحور ملكة منت هاران اللي اجبر ملكة ويسكة.
- 30 وكانت ساراي عابكر ما اتخلي التركة.
- 31 واكبيظ تارح ولو أبرام وول ولو لوط ول هاران وساراي اعيال ولو أبرام وامشاو فابلد من أور الكلدانيين واعدين ارض كنعان. يغير يلين لحكو حاران سكنو فم.
- 32 ومات تارح فخاران يلين كان عندو 205 سنوات.

12

بركة أبرام

مولانا يمشي بأبرام شور ارض كنعان

مولانا يسلك أبرام من الجوع ومن المصريين

1 وكال الله تعالى لأبرام: امشي من ارضك وقبيلتك ودار اهلك، وكهيس لارض اللي لاهي اعنتك.

2 ولاهي انعدل منك شعب عظيم، ولاهي انباركك، ولاهي انكبر اسمك، واتعود بركة ناس كاملة.

3 واللي يباركك يعود مبارك، واللي يلغتك يعود ملعون. ولاهي تبارك القبائل كاملين اللي فلارض بسببك.

4 وكام أبرام وعدل ذا اللي كآو الله تعالى. وامشاه معاه ساراي اعيالو ولوط ول خوه من حاران. وفذا الوقت كان عندو أبرام 75 سنة.

5 وكبيظو معاهم ادبشهم واعبيدهم اللي كانوا فخاران، وامشاو واعدين ارض كنعان. والين وصلو ارض كنعان،

6 عاد أبرام يمشي من ابليدة شور ابليدة يجول فكنعان يلين اوصل لبليدة اللي فيها صدراية اكبيرة اسمها موري اللي خارج مدينة شكيم اللي ساكنين فيها الكنعانيين فذاك الوقت.

- 7 واطهر الله تعالى لأبرام، وكآلو: لاهي نعطي هاذي لارض نلسلك. وكام أبرام وابنا فم مذبح، ويكدم فيه اذبايح لله تعالى اللي اظهرلو.
- 8 وعاكب ذاك امشا من هاذي لبلدة واعد كدية نجمة الشرق من لبلدة اللي اظهرلو الله تعالى فيها. وابنا خيمتمو امبين بيت إيل اللي فالغرب ومدينة عاي اللي فالشرق. وابنا فم مذبح لله تعالى وصل فيه.
- 9 ومن فم كيم ماشي واعد النقب اللي فالجنوب.
- 10 والين خلكت جفاف فارض كنعان، كام أبرام وامشا واعد مصر يسكن فيها شي من الوقت بيبي الجفاف كانت امتينة فلارض.
- 11 والين كرك من مصر كمال لساراي اعيالو: آنا نعرف اعلتك امرة زينة،
- 12 والين يشوفوك المصريين لاهي يكلو عنك اعيالي، ويكلوني، ويمشوبك امعاهم.
- 13 كويليهم اصا عنك اختي ونسلكو من المشاكل ونجبرو العافية بسببك اختي.
- 14 والين ادخل أبرام مصر شافو أهل مصر اعلن اعيالو امرة زينة.
- 15 وشافوها املي عمال فرعون وخبرو فرعون بجمالها، وامشاو بيها شور قصره.
- 16 ولا ابخل شي من شي متعدل لأبرام بسبب ساراي، واعطاه لغن ولبكر ولخمر ولعبيد ونخدم والبل.
- 17 يغير ما ابطا فرعون بيلن ابلاه الله تعالى هو وأهلو بامراض خطيرة بسبب اعلنو ساراي زوجة أبرام وحاول يعرض امعاها.
- 18 وكام فرعون ومشا لأبرام بيحيه وكآلو: اتنا ذا اللي عدلتني شهو؟ اعلاش ما اتكولي اعلنا اعيالك؟
- 19 اعلاش اتكولي اعلنا خنتك اياك نكيطها ونخيم امعاها؟ ظرك اصا اسمع، اكيط اعيالك وامرك بيها.
- 20 وكام فرعون ووصا اعليه اروا كيج يصيفطوه هو واعيالو وكل أملاكو.

13

بركة أبرام

- أبرام يعطي لأول خوه ارض زينة
- 1 وامشا أبرام من مصر وامعاها ساراي ولوط وكل أملاكو شور النقب فكنعان.
- 2 وكان أبرام عندو ياسر من الحيوان والفضة والذهب.
- 3 وامشا من النقب شور بيت إيل إلى لبلدة اللي كيط ابنا فيها خيمتمو فول، اللي امبين بيت إيل وعاي.
- 4 وهاذي هي لبلدة اللي فيها مذبح مولانا اللي كيط ابنا. وفم صلى لله تعالى.
- 5 وكان املي لوط اللي امشا مع أبرام عندو لغن ولبكر ونطيام.
- 6 وامتلات لارض من أملاكهم بيلن ما اتلا فم بل امنين يعيشو فيه فيلد.
- 7 وخلكت اخصومة امبين رعيان أبرام ورعيان لوط فالوقت اللي كانوا يعيشو فيه الكنعانيين والفرزيين فلارض.
- 8 وكال أبرام للوط: ما يالنتا نتخاصمو امبيناتنا، ولا يالنتهم يتخاصمو رعياننا بيبي نختا خوت،
- 9 ولارض واسعة كدامك. خليننا نتفاضلو. والين تمشي اعلى زرك العربي، تمشي اعلى زري العسري. والين تمشي اعلى زرك العسري، تمشي آنا شور زري العربي.
- 10 واتلفت لوط اعلى زرو وشاف واد الأردن كامل بيلن صوغره. وكانت لارض املانة من نظار وكيفت جنة الله تعالى، وتشابه لارض مصر. وهاذا كان سابك يهلك الله تعالى سدوم وعمورة.
- 11 واختار لوط لراضو واد الأردن كامل، وامشا شور الشرق. واتفرق كلهم عن صاحبو.
- 12 واسكن أبرام فارض كنعان، واسكن لوط فابلد نظار، وابنا اخيامو اكريب من سدوم.
- 13 وكانو أهل سدوم اشرار وعاصين حته لله تعالى.
- 14 وكال الله تعالى لأبرام عاكب ما امشا عنو لوط: ركب عينيك واتلفت من حولك من لبلدة اللي اتنا فيها، الشمال والجنوب والشرق والغرب،
- 15 بيبي هاذي لارض اللي اتنا شايف لاهي نعطيها لك ولنسلك إلى الابد.
- 16 ولاهي انعدل نسلك كيف احصي التراب، إلى عاد آرا كجاج يكد بحسب احصي التراب يتكن من عد ذريتك.
- 17 كقوم وامشي فطول لارض وعرضها بيبي اعطيتالك.
- 18 وكام أبرام وارقد اخيامو وابناها احدا اصدر ممرا اللي احدا حبرون. وابنا مذبح لله تعالى فم.

14

بركة أبرام

أبرام يسلك شعوب

- 1 وفذاك الوقت اخلك اعلن أمرافل ملك بابل وأريوك ملك ألسار وكدرلعومر ملك عيلام وتدعال ملك جوريم
- 2 ادايكو امع بارع ملك سدوم وبرشاع ملك عمورة وشنأب ملك أدمة وشمثير ملك صبويم وملك بالغ اللي هي صوغر.
- 3 كلهم اجمع اللي عندو من جنود فواد السديم اللي ينكألو لبحر الميت.
- 4 واللي كانوا اعبيد لكدرلعومر مدة 12 سنة، يغير امبليكو واتكبرو اعليه فالسنة 13 .
- 5 وفالسنة 14 امشا كدرلعومر وأصحابو من الملوك، وعلبو الرفائين فلبليدة ينكألها عشروت قرناثم، وعلبو الزوزين فلبليدة ينكألها هام، وعلبو الإيمين فبطحة قريتايم.
- 6 وعلبو الحورين احذا كدية سعير يلين بيت فاران اللي ماهو ابعيد من الخلوات.
- 7 ومن فم رجعو واعدن مدينة قادش، وعلبو كل لارض اللي كانوا فيها قبيلة العماليق. وعلبو املي الأمورين اللي كانوا ساكنين فارض حزازون تامار.
- 8 وعاكب ذاك كأمو كل من ملك سدوم وملك عمورة وملك أدمة وملك صبويم وملك بالغ،
- 9 وادايكو امع كدرلعومر ملك عيلام وتدعال ملك جوريم وأمرافل ملك بابل وأريوك ملك ألسار فواد السديم. وكانو أربع ملوك ضد خمسة.
- 10 وكان واد السديم املان من ظليات الطين. وكل من ملك سدوم وملك عمورة حاولو يهرو امع رجالتهم من الحرب يغير وحلو فالطين واللي اسلك منهم اهرب شور الكدية.
- 11 وكأمو الملوك لخرين الربعة الباكين اللي غلبو فالحرب وكبظو كل شي كان فسدوم وعمورة من أملاك واطعام وامشاو.
- 12 وكردو لوط ول خو أبرام اللي كان ساكن فسدوم فهاذا الوقت، وكبظو كل شي كان عندو.
- 13 واسلك آراكاج من أهل سدوم وعمورة، وجا لأبرام العبراني ورد اعليه ذا اللي اخلك. وكان أبرام ساكن احذا صدراية اكبيرة اللي فاتراب امراء اللي من الأمورين، وهو خو أشكول وعازر، وكلهم أصحاب لأبرام.
- 14 والين اسمع أبرام باعلن ول خوه نجبس، كأم وكبظ كل رجالته اللي اخلاكة وكابرن عندو، واللي كان عددهم 318 آراكاج، وامشا دافع اورا الملوك الربعة يلين لخلك مدينة دان.
- 15 والين عاد ليل، كأم أبرام وكسم رجالته اعلى فرق، واهجم اعليهم، واغلبهم، وامشا دافع اوراهم يلين لخلكو ابليدة اسمها حوبه اللي هي شمال دمشق.
- 16 واكبظ اللي كانوا يملكو، وجاب لوط ول خوه وأملاكو ولعليات ولخايبس لخرين.
- 17 وارجع إبراهيم بعدما اغلب الملك كدرلعومر والملوك لخرين اللي كانوا امعاه. وحاظ ملك سدوم اياك يستقبلو فواد شوى اللي اسمو واد الملك.
- 18 وكان ملكيصادق ملك سالم امع ملك سدوم . واعطا ملكيصادق لأبرام شي من امبورو وشي من عصير العنب. وكان راجل من رجالة مولانا العظيم.
- 19 وبارك أبرام وكألو:
- اعليك بركة مولانا العظيم
اللي خللك السما والتراب،
20 والحمد لمولانا العظيم
اللي نصرك اعلى أعدائك.
- واعطاه أبرام العشر من كل شي كان عندو.
- 21 وعاكب ذاك كأل ملك سدوم لأبرام: لاهي نكبظ الرواكييج واننا نكبظ الباكيي.
- 22 وكألو أبرام: اخلقت اعلى الله تعالى اللي خللك السما والتراب،
- 23 اعلى ما نكبظ أي شي من ذا اللي عندك اياك ما يتكول اعلى اجبرت لخير من عندك.
- 24 ولاني لاهي نكبظ من عندك ماهو اللي كآلو رجالاتي. يغير اصا الرجالة اللي امشاو امعاي فالحرب واللي هوما عازر وأشكول وممرا، خليم يجبرو بكرعتهم.

15

بركة أبرام

مولانا يعطي لأبرام علامة اعلى اخلاكية اللي لاهي يورثو

1 وعاكب يلين خلكت هاذي لمور، كأل الله تعالى لأبرام فخلم: لا تخاف من شي. آنا نحميك وأجرك اكبير عندي.

- 2 وكال أبرام: يا مولانا يا ربي شنتي اصا فائدة الخبير الي تعطيني. أنا ما نجبر لولاد، والي لاهي يورثني هو أيعازر الي من دمشق.
- 3 وكال املي أبرام: اتنا ما اعطيني لولاد وذا هو لعبد الي اخلاكة عندي لاهي يورثني.
- 4 وكالو الله تعالى: ذا لعبد ماهو لاهي يورثك. اللي لاهي يورثك لاهي يوظ من صلبك.
- 5 ووظ الله تعالى أبرام شور كدام خيمتو وكالو: خرص السما واعد النجوم إلى كديت. وكالو الله تعالى: كد عدد النجوم لاهي يعود كد نسلك.
- 6 وصدق أبرام الله تعالى واعتبر الله تعالى أبرام إنسان صالح.
- 7 وكالو: أنا هو الله تعالى اللي جابك من أور الكلدانيين اياك انورثك هاذي لارض.
- 8 وكال أبرام لله تعالى: ابسبحالة لاهي تعرف اعطني لاهي نورثها؟
- 9 وكالو الله تعالى: اكيفلي عجلة وعنز وكبش اعمر كل منهم 3 سنوات. وكيفلي املي احمامتين.
- 10 وكيفظهم أبرام وشكهم من الوسط اعلى نصين واجعل كل نص امكابل النص لوخر، والطيور ما كسهمهم.
- 11 والين كامت الطيور نخله تنزل وتوكل من الحيفة، صاعهم أبرام.
- 12 والين الحلق لمغرب، اركد أبرام اركاد امتين، وفذا جات اعليه ظلمة امتينة ونخلع.
- 13 وكالو الله تعالى: عود متيقن اعلن نسلك لاهي يتغرب فارض ماهي لهم، ولاهي يستعبدوهم أهلها ويحكروهم مدة 400 سنة.
- 14 يغير لاهي نخلص لهم من ذاك الشعب الي أستعبدوهم، وعاكب ذاك لاهي يوظو بياسر من لأملك.
- 15 واتنا لاهي اتوت فالعافية وتدفن بشيية صالحة.
- 16 وهوما لاهي يرجعو هون عاكب أربع اجبال. ببلي اثم الأموريين الي ساكنين هون ما فات عادت ياسرة اياك يعاقبهم الله تعالى اعليها.
- 17 والين غربت الشمس وجات الظلمة، اظهر اعمود من الدخان واشهاب من النار واخطين امبين طشات اللحم.
- 18 وفذاك اليوم عدل الله تعالى عهد امع أبرام وكالو: لاهي نعطي هاذي لارض لنسلك من نهر مصر إلى نهر لكبير، نهر الفرات،
- 19 ابلاد القينيين والقنزيين والقدمونيين
- 20 والحيتيين والفرزيين والرفائينيين
- 21 ولأموريين والكنعانيين والجرجاشيين واليبوسيين.

16

بركة أبرام

اعيال أبرام اتلود للورث من خلال هاجر

اخلاكة إسماعيل لأبرام

- 1 وساراي اعيال أبرام كانت امرة عاكبر. وكانت عندها خادم مصرية اسمها هاجر.
- 2 وكالت ساراي لأبرام: الله تعالى ما اعطاني الذرية. كقوم اصا اتكي امع هاجر. يكان الله تعالى يعطيني ذرية منها. وعدل أبرام ذا الي كالتلو ساراي اعيالو.
- 3 وكامت ساراي واعطاتو خادما وعاشرها. وهذا اخلاكي عاكب ما قضاو 10 سنوات فارض كنعان.
- 4 وعاشر أبرام هاجر وحملت متو. والين عرفت أنها حملت، عادت تحكّر عربيتها ساراي.
- 5 وفذا كالت ساراي لأبرام: الله تعالى يحاسبك اعلى ذا الي اخلاكي. عاكب ما اعطيتك خادي وحملت منك، عادت تحكّرني. الله تعالى يقضي بيني وبينك.
- 6 وجاويها أبرام وكالها: هاذي خادمك كدامك وعدليلها الي اتدوري. وعذبت ساراي هاجر يلين هربت اعليها.
- 7 واجبرها ملاك الله تعالى ابركيب من ظاية الماء فطريك الي واعدة مدينة اسمها شور.
- 8 وكالها ملاك الله تعالى: يا هاجر يا خادم ساراي، من امنين جاية؟ وامنين واعدة؟ وكالتلو هاجر: أنا اهرت من عربيتي ساراي.
- 9 وكالها ملاك الله تعالى: رجعي شور عربيتك وسبعيلها.
- 10 وكالها املي: لاهي انكثر نسلك يلين يعود ما يكبد ينعد.
- 11 وكالها املي: انتي موجوعة ظرك ولاهي تبراى اعلى اطفيل، ولاهي اتسميه إسماعيل الي معناه الله تعالى يسمع. ببلي الله تعالى حس بالأملك.
- 12 واطفيلك لاهي يعود آرا كاج امتين وامعادي الناس كاملة والناس كاملة امعاديو. ولاهي يعود آرا كاج مستحش ومكبر اعلى اخوتو كاملين.

- 13 وحدث هاجر الله تعالى الي شافها وحس بألامها وكألت: أنا شفت ظرك الي براعي في .
 14 ولذاك أسمتا هاذي الحاسي باسم: حاسي الحمي الي براعي في. وهاذي الحاسي هي موجودة امبين قاشد وبأرد.
 15 وعاكب ذا خلالت هاجر لأبرام ولو. وسما أبرام اطفيلو الي من هاجر باسم إسماعيل.
 16 وكان أبرام فذا الوقت عندو 86 سنة.

17

بركة النبي إبراهيم

مولانا يبارك النبي أبرام باسم اجديد هو إبراهيم

مولانا يعدل ازيانة هي علامة عهدو

- 1 والين عاد أبرام عندو 99 سنة اتجلاو الله تعالى وكألو: أنا هو مولانا القادر، امثي كداهي بطريك امسكجة.
 2 لاهي انعدل عهدي امعاك وانكتر نسلك حتة.
 3 وكام أبرام واسبجد كدام مولانا. واتكلم امعاه مولانا وكألو:
 4 اراعيني لاهي انعدل عهدي امعاك ولاهي اتعود بو ياسر من لأمم.
 5 ومن ظرك ما اتلا يتكالك أبرام الي معاناه ابو لمعظم ، يغير لاهي يتكالك النبي إبراهيم الي معانها بو ياسر من لأمم. بيلي لاهي انعدلك منك ياسر من الشعوب.
 6 ولاهي اتعود أرا كاج فايدتو ياسرة، ولاهي يتفرع من نسلك ياسر من الشعوب، ولاهي يوخطو من نسلك ملوك.
 7 ويعود عهدي إلى الأبد اميني وينك وبين نسلك عاكبك جيل اورا جيل. واتعودلك إله ولنسلك من بعدك
 8 ونعطيك اتنا ولذريتك من بعدك ارض كنعان كاملة، الي اسكتنها متغرب، لكم الدهر كاملو واتعود إلههم.
 9 وكال مولانا للنبي إبراهيم: احفظ عهدي اتنا وذريتك من عاكبك مادامو حيين.
 10 هاذا هو لعهد الي اميني وينك وامبين ذريتك من بعدك الي بالتمك تحفظوه: يزبو الذكور كاملين الي عندكم .
 11 اتزبو كل اذكوركم كاملين واتعود علامة لعهد الي اميني واميينكم.
 12 اتزو زينو اذكوركم كاملين من بو 8 أيام اسوا من ذريتك ولا من ذرية حد مشري من فظلك ماهو من نسلك.
 13 ياللة يزبن كل اطفيل اخلاكة فدارك ولا مشري بالفظة، واتعود علامة عهدي إلى الأبد فلحكمك .
 14 واذكر الي فيكم ما أزين يصاغ من دار أهلو ببلي خالف عهدي.
 15 وكال مولانا للنبي إبراهيم: وساراي اعيالك لا تبت اتكولها ساراي من ظرك، يغير لاهي يعود اسمها سارة الي معانها لأميرة.
 16 ولاهي اتباركها، ولاهي تعطيك اطفيل منها، ولاهي اتباركها وانعدلها أم لياسر من الشعوب. ومنها لاهي يوخط ملوك.
 17 واسبجد النبي إبراهيم واطضح وكال اميينو امع راصو: ائرو يصح يخلك اطفيل لراجل بو 100 سنة ؟ وائرو يصح تبرا سارة وهي أم 90 سنة ؟
 18 وكال النبي إبراهيم لمولانا: وإسماعيل ياريتو يحظر من بركتك .
 19 وكألو مولانا: الي لاهي تبرا هي سارة اعيالك، ولاهي يخلكك منها اطفيل، واتسميه إسحاق. لاهي انعدل عهدي إلى الأبد امعاه واعم ذريتو من بعدو.
 20 أما اصا إسماعيل فأستجبت لطلبك لو. لاهي اتباركو حتة، ولاهي يعود فايدتو ياسرة، ولاهي انكتر نسلو، ولاهي يعود بو للثاني عشر رئيس. ويعود شعب اكبير.
 21 يغير عهدي لاهي يعود امع إسحاق الي لاهي يبجي من سارة كيف هاذا الوقت من السنة الجاية.
 22 والين اوقا مولانا من لكلام امع النبي إبراهيم امشا عنو.
 23 وفذاك النهار اكبظ النبي إبراهيم ولو إسماعيل والذكور كاملين الي خلجو فدارو والذكور كاملين الي اشرا، وزينهم، وعدل ذا الي كالو مولانا.
 24 وكان النبي إبراهيم عندو 99 سنة وقت ازياتو.
 25 وإسماعيل ولو وقت ازياتو عندو 13 سنة.
 26 وتمت ازيانة النبي إبراهيم وإسماعيل
 27 والذكور كاملين الي خلجو فدارو واذكور كاملين الي اشرا فنفس اليوم.

18

بركة النبي إبراهيم

النبي إبراهيم يتشفع لسدوم وعمورة

- 1 وعاكب ذلك اظهر الله تعالى للنبي إبراهيم عند صدراية مبرا، وقت الي كان كاعد كقدام فم خيمتو لبيكايه.
- 2 وفذا ركب وجهو وشاف اثلت رجالة ماشين اعلى جيتو، وادفع شورهم اياك يرحب بيهم. وإلين لحكهم، كأم واسبعد اعلى التراب إحترام لهم.
- 3 وكال: يا شيتي إلى عدت شايف عن عبدك يستحق الشرف عنك تستراح عندو، لا تختطاه.
- 4 وخليني انجيب لكم شي من الماء تغسلو به كرعكم وتكعدو تحت ظل الصدراية.
- 5 وانجيب لكم شي من امبورو توكلوه ومن فم تواصلو مشيكم واتعودو خظتو اعلى خيمة عبدكم. وكالولو: ما فم مشكلة، عدل ذا الي كالت.
- 6 وادفع النبي إبراهيم واعد خيمتو الي فيها سارة وكالها: كومي بالعجلة وعجني 3 كيلات اكار من الديك الزين وخزيمهم.
- 7 وكأم النبي إبراهيم وادفع شور امراحو وكبظ اعجل اسمين واعطاه لجديع عندو ينصبو.
- 8 وعاكب ذلك اكبظ النبي إبراهيم شي من الزبدة ولبن ولعجل الي انطبخ، واطرح ذا كدامهم، وابكا واكف كدامهم بخدمهم تحت الصدراية وهوما يوكلو.
- 9 وكالولو: وينهي اعيالك؟ كأم النبي إبراهيم: اراعيها فانخيمة.
- 10 وكال واحد منهم للنبي إبراهيم: لاهي نزعلك فهذا الوقت من السنة الجاية ولاهي اتعود سارة عادت باطفيلها منك. وذا الوقت كانت سارة واكفة اوراه عند فم انخيمة وسمعت اكلامهم.
- 11 وكان النبي إبراهيم وسارة اكهولة اكار فالسن واتحطت سارة سن حمل.
- 12 وضحكت سارة امينها مع راصها وكالت: عاكب ما استكهلت وعاد راجي شيباني نجبر العيال؟
- 13 فذا كال الله تعالى للنبي إبراهيم: اشواسا سارة تضحك واتكول: اتكيد نرا اعلى اطفيل وأنا كهله؟
- 14 الله تعالى اثرو يكببو شي؟ لاهي نزعلك فهذا الوقت من السنة الجاية واتعود سارة عادت باطفيلها منك.
- 15 واتخلعت سارة وتكرت اعلها تضحكت. وكالها الله تعالى: ماهي حط اتني اظحكتي ايجال!
- 16 وعاكب ذلك كأمو الرجالة الثلاثة ماشين اعلى جبية سدوم، وامشا معاهم النبي إبراهيم يسيفظهم.
- 17 وكال الله تعالى الي هو واحد من الرجالة الثلاثة: ما اتكيد نجحد عن إبراهيم الي ناوي انعدل لسدوم.
- 18 وإبراهيم لابد من يعود بو شعب اكبير وامتين وتبارك شعوب لارض كاملة بسببو.
- 19 يبلي آنا هو الي اخترتو اياك يوصي اولادو وأهلوه من بعدو اياك يحفظو الطريكة لله تعالى، امعدلين البر والعدل يلين يعدل الله تعالى الي اتعهد به للنبي إبراهيم.
- 20 وكال الله تعالى: الكارة الشكوى والظلم اعلى أهل سدوم وعمورة وشرهم زاد اعلى حدو.
- 21 لاهي انكبسهم وانشوف إلى عاد ذا حط وتأكد بنفسي.
- 22 وامشاو الرجالة الي كانوا مع الله تعالى واعدين سدوم، وابكا النبي إبراهيم واكف مع الله تعالى.
- 23 وكرب النبي إبراهيم منو وكالو: لاهي تهلك الصالح مع الشرير؟
- 24 يلين تجبر فذي لمدينة 50 آر كاج صالحة لاهي تهلكها ولا لاهي اتساعها اعلى أساس هاذو الخمسين الصالحين؟
- 25 اتنا اعظم من الي اتخلط امين الصالح والشرير، ويعود الصالح كيف الشرير حشاك. ما يصح اعلنك اتنا الديان ما تعدل؟
- 26 وكال الله تعالى للنبي إبراهيم: يلين نجبر فسدوم الا 50 آر كاج صالحة اتساع الباكين.
- 27 وكال النبي إبراهيم: آنا كثرت من لكلام مع الرب مع اعلي مخلوق من التراب والرماذ.
- 28 وخالتهم نفصو 5 اروا كيج صالحين لاهي تهلك لمدينة اعلى أساس 45؟ وكالو: يلين نجبر فيها 45 صالحين ما نهلكها.
- 29 وكالو النبي إبراهيم مرة ثانية: وخالته اجبرت الا 40 آر كاج صالحة؟ وكالو: ماني لاهي نهلكهم اعلى أساس 40 الصالحين.
- 30 وكال النبي إبراهيم: لا تنفجع اعلي واسمجلي تنكلم، وخالته اجبرت الا 30 صالحين؟ وكالو: ماني لاهي نهلكها إلى اجبرت فيها 30 صالحين.
- 31 وكال النبي إبراهيم: آنا نعرف اعلي كثرت لكلام امعاك، يغير خالته اجبرت الا 20 صالحين؟ وكالو: ماني لاهي نهلكها يلين نجبر فيها 20.

³² وكال النبي إبراهيم: لا تغضب اعلياً يا رب إلى اتكلمت وكنلتك إلى اجبرت فمدينة الا 10 صالحين؟ وكألو: ماني لاهي نهلكها إلى اجبرت فيها 10.
³³ وعاكب ما اوف الله تعالى من لكلام امع النبي إبراهيم، امشا وارجع النبي إبراهيم شور بلو.

19

بركة النبي إبراهيم

ول خو إبراهيم يسلك من أهل سدوم

¹ وجاو الملايكة لأئمين لمدينة سدوم امع اغروب الشمس. وذا الوقت كان لوط كاعد احذا بوابة سدوم. وإلين شافهم كأم واكف واعدهم يستقبلهم، واسجد بوجوه اعلى التراب إحترام لهم.

² وكال: يا شيوخي استراحو وباتو فدار عبدكم اياك اتقضو ليلتكم وتغسلو كرعيكم، وامع الصباح اتواصلو اطريكمكم. وكألولو: ابدي لاهي اتقضو ليلتنا لكدام.

³ يغير لوط الخ اعليهم بلين پچلو بمشو امعاه وبياتو فدارو. وعشاهم واخبرهم امبورو وكالو.

⁴ وسابك يركدو اجتمع اعليهم اكهولة وفكرايح مدينة سدوم كدام الذار.

⁵ وعيطو لوط وكألولو: وين هوما الرجالة اللي بايتين عندك الليلة؟ وخطهم شورنا اياك انلوطوهم.

⁶ وخاظ شورهم لوط واكفل الباب اوراه

⁷ وكال: لا اتعدلو المعصية يا خوتي.

⁸ اراعي عندي متنين اعزيبات. لاهي اتوخطهم لكم اياك اتعدلو امعاهم اللي تبغو. أما اصا ذو الرجالة لا اتعدلوهم شي ما ينفع بيبي ضيوف عندي.

⁹ وكألولو: احز ابعيد عتاً! وكألولو املي: ذا آراكج اللي جا يسكن عندنا عاد هامو يتحكّم فينا. ظرك اصا لاهي اتعدلولك شي أطم منهم هوما. واتكدمو واعين لوط لاهي يدكچو الباب.

¹⁰ فذا الرجالة اللي هوما خطار لوط مدو ايديهم وحكوه ودخلوه وسط الدار، وكفلو الباب.

¹¹ وخطو بلعما اروا كچج اللي كانو واكفنين كدام الباب، اصغيرهم واكبيرهم، بلين عاد قلوبهم يجيرو بل امنين الباب.

¹² وكألو الرجالة لأئمين للوط: مندرا يكان عندك أقارب فمدينة: انساب ولا أولاد ولا امانات ولا أي آراكج اوخر اكريب منك؟ وخطهم من هادي لمدينة

¹³ بيبي نخنا هامنا اندمرو هادي بلبيدة بيبي كثرة الشكوى من شرها عند الله تعالى، وارسلنا اياك اندمروها.

¹⁴ وامشا لوط يعلم الرجالة اللي كانو لاهي يتخيمو امع اماناتو وكألهم: كجومو القولك واوخطو من هادي بلبيدة بيبي الله تعالى لاهي يدمر هادي لمدينة. ولا جد اعليهم اكلامو.

¹⁵ وإلين عاد الفجر الحو الملايكة لأئمين اعلى لوط وكألولو: كجومو القولك واكچظ اعيالك واماناتك اللي امعاك اياك ما تهلك بسبب اثم أهل لمدينة.

¹⁶ يغير بلين ابط لوط حكمو الرجالة بايديه وايدن اعيالو وامناتو وامشاو بيهم شور كدام لمدينة بيبي الله تعالى اشفق اعليهم.

¹⁷ وإلين وخطوهم ابعيد كال واحد من الملايكة للوط: سلك روحك ولا اتخرص اوراك ولا توكف فذي بلبيدة كاملة. اهرب اعلى جبهة لكدا اياك أسلك.

¹⁸ وكال لوط: لا اتواسيلي ذاك يا شيوخي،

¹⁹ اتنا اعرفقني شي واهتميت بي وسلكتني من الموت. يغير آنا ما انكد نلجا فلكدا خايف من يتلخي شي واثموت.

²⁰ اراعي مدينة اكريب انكد نهزب شورها. وهي مدينة اصغيرة وخليتي نلجا شورها. اماها مدينة اصغيرة حته؟ وانكد نسلك فيها بروحي؟

²¹ وكألو الملاك: آنا اچكك طلبك ولاني لاهي اندمرو ذي لمدينة الصغيرة.

²² اهرب شورها بالعجلة بيبي ما انكد اتعدل شي لسدوم سابك اتوصل اتنا هادي لمدينة الصغيرة. ولهذا السبب أسمات هادي لمدينة باسم صوغر اللي معناها الصغيرة.

²³ وإلين ظهرت الشمس اعلى لارض، الحلج لوط صوغر.

²⁴ وفذا امطر الله تعالى اعلى سدوم وعمورة كبريت ونار من السماء.

²⁵ واحرلج الله تعالى ذيك لارض والي ساكتين فيها والوديان اللي حذاها وكل ارضهم كاملة اللي محروثة.

²⁶ واتلفتت اعيال لوط اللي كانت اوراه بها اكببظ لقبه واتحولت شور اعمود من الملح.

²⁷ وامشا النبي إبراهيم امع الصباح شور بلبيدة اللي وكف فيها كدام الله تعالى.

- 28 ونحصر اعل جنية سدوم وعمورة وعل لارض اللى امجاورتهم وشاف الدخان طالع اعل شكل اعمود.
 29 وعاكب ما دمر مولانا هادي للبيدة، ما انسا وعدو للنبي إبراهيم ووظ لوط سابك يدمر لمدينة اللى كان ساكن فيها.
 30 وعاكب ما دمر مولانا سدوم وعمورة، امشا لوط وامناتو من صوغر، واسكنو فلكدنا بيبي كان خايف من السكن فصوغر. والجا هو وامناتو فامغارة فالكديبة.
 31 وكالت منتو لكبيرة لغتها الصغيرة : نحنا بونا يستكهل ولارض ما اتلاو فيها رجالة يتخيمو امعانا كيف الناس كاملة.
 32 اتعالي اصا نسكوه شي من الخمر وتبكو امعاه اياك ما تتكطع ذرية بونا.
 33 واسكواو الخمر لوبهم فذيك الليلة، وكامت المنت لكبيرة واتكات امعاه . ولا حس لوط بتكها امعاه ولا ايكامها.
 34 وفانهار اللى اوراه كالت المنت لكبيرة لغتها الصغيرة: آنا اتكيت امع بوي البارح . وهاي نسكوه الخمر هادي الليلة املي وتدخلي شوررو انتي وينكي امعاه، ونجبرو من بونا ذرية.
 35 واسكواو بوهم الخمر فذى الليلة الثانية وكامت المنت الصغيرة واتكات امعاه. ولا حس لوط بتكها امعاه وللا ايكامها.
 36 وبهذا السبب حملو امنات لوط من بوهم.
 37 وابرات المنت لكبيرة اعل اطفيل سماتو مؤاب اللى معناه من بوي، وهو بو قبيلة المؤابيين إلى اليوم.
 38 والمنت الصغيرة ابرات املي اعل اطفيل وسماتو بن عمي اللى معناه ول أهلي، وهو بو قبيلة بني عمون إلى اليوم.

20

بركة النبي إبراهيم

مولانا يسلك اعيال النبي إبراهيم

النبي إبراهيم بصلي من أجل اسلاكة شيخ الفلشطييين

- 1 وارحل النبي إبراهيم من قم واعد ارض الثقب اللى فالجنوب واسكن اميين مدينة قادش ومدينة شور وقضا شي من الوقت فمدينة جراز.
 2 وقم كالت النبي إبراهيم عن سارة اعيالو: هادي اختي. وارسل أيتمالك ملك جراز امراسيل يجيبولو سارة .
 3 واتجلا مولانا لأيتمالك غلم فالليل وكألو: اتنا لاهي اتموت بسبب اعلتك اكهظت امرة متخيمة .
 4 يغير أيتمالك لحكوكا ما فافات امسها وكالت لمولانا: لاهي تكلفني وتكلم أمة بريئة؟
 5 امالو كالتى اعلها اختو وهي املي كالتلى اعلنو خواها؟ ما عدلت ذا اللى عدلت يكون شك اعلنو صالح وينتي كانت زينة .
 6 وكألو مولانا: آنا نعرف اعلتك نيتك كانت زينة ، ولذاك امنتك من اطيح فالمعصية واتمس سارة.
 7 ظرك اصا رجع للرجال اعيالو بيبي هو نبي، اياك يطلبك مولانا وتحيا. وإلى ما رجعتنا اعرف اعلتك اتنا وذا اللى لك ميتين قطعاه.
 8 وبكر أيتمالك امع الصباح وعيط لعبيدو كاملين، ورد اعلهم ذا اللى اخلك، واتخلعو كاملين خلعة امتينة.
 9 وعيط أيتمالك للنبي إبراهيم وكألو: اللى عدلتنا شهنو؟ شهنو اخطأ اللى عدلتك اياك اتجيبلي واتجيب لمملكتي هاذا الذنب لكبير؟ اتنا عدلتلي شي خاسر ما كان بالتك اتعدولي.
 10 وسول أيتمالك النبي إبراهيم: اتشلاك اتعدل هاذا ؟
 11 وكألو النبي إبراهيم: آنا عدلت ذا اللى عدلت بيبي شكيت اعلن هادي للبيدة ما فيها حد خايف من مولانا، وخفتكم تكلوني اعل أساس اعيالي.
 12 وفلحقيقة هي اختي منت بوي ولا هي منت أمي واتعرست امعاه.
 13 وإلين ادعاني مولانا اياك تمشي عن دار بوي، بكها: بل امنين تمشو كوي اعلني خوك واتعودي عدلتلي غاية اكبيرة.
 14 واكهظ أيتمالك اغنم وابكر واعبيد واخدم واعطاهم للنبي إبراهيم، ورجعلو سارة اعيالو.
 15 وكالت أيتمالك: هادي ارضي كدامك واسكن بل امنين تبغي فيها.
 16 وكالت لسارة: اراني اعطيت نفوك ألف كطعة من الفضة . انبرتك بها من لإساءة كدام الناس اللى امعك، وانتي بريئة كدام كل واحد. وابهادي الطريقة اتعود رجعتك كرامتك.
 17 واطلب النبي إبراهيم مولانا اياك يشفي أيتمالك. وابات اعيالو وخدمو
 18 بيبي مولانا ابلا اعيال وكل اخدم أيتمالك بلعكار بسبب سارة اعيال النبي إبراهيم.

21

بركة النبي إبراهيم

مولانا يسلك النبي إسماعيل

- النبي إبراهيم يعدل عهد سلام امع الفلشطييين
 1 وعاطب هاذي لحداث انعم الله تعالى اعلى سارة واعطاها ذا الي وعدها به.
 2 وحملت سارة وابرات اعلى اطفال لإبراهيم فنفس الوقت الي كبط كآلو مولانا. وكان النبي إبراهيم فذا الوقت مستكهل حته.
 3 وكام النبي إبراهيم وسما اطفالو الي اجبر من سارة إسحاق.
 4 وكام زينو فاليوم الثامن كيف ما اطلب مولانا.
 5 ووقت اخلاكة إسحاق كان النبي إبراهيم عندو من لعمر 100 سنة.
 6 وكالت سارة: أنا ظحكني مولانا. وكل الناس الي تسمع ذي الي اخلك يضحكو هوما املي.
 7 وكالت سارة املي: من كان يبكك يبكول للنبي إبراهيم اعن سارة لاهي ارتضع أولاد؟ وارايعني أنا ابريلو اعلى اطفال فاستكهيلو.
 8 واكبر إسحاق وانظم وعدل النبي إبراهيم وقت فطم إسحاق ندوية اكبيرة.
 9 وفواحد من انهارات شافت سارة اعن إسماعيل ول هاجر المصرية يجوق فإسحاق.
 10 وكالت سارة للنبي إبراهيم: صوغ هاذي الخادم هي وولها بيبي ول هاذي الخادم ماني كابلتو يورث امع ولي إسحاق.
 11 ولا ازبان هاذا عند النبي إبراهيم اعلى أساس ولو إسماعيل.
 12 وكال مولانا للنبي إبراهيم: لا تنفك من امردة الطفل وأمه. واسمع لكلام سارة وعدل ذا الي كاتلك بيبي من إسحاق اتعود لك ذرية.
 13 ولاهي نجعل من ول الخادم املي أمة اكبيرة بيبي هو من ذريتك.
 14 وانهار من غد كأم النبي إبراهيم امع الصباح واكبط شي من امبورو وكربة ماء واعطاهم لاجر ودارهم اعلى اكافها وصاعها هي امع اطفالها. وكيمت ماشة وذهبت نخلوات بئر السبع.
 15 والين افرق اعليها ماء لكربة، طرحت الطفيل تحت وحدة من الصدرات.
 16 وكهدت امكابل 100 متر كدامو بيبي كالت: ما نبني نخظر الموت اطفيلي. وكهدت تزكي وعادت تبكي.
 17 واسمع مولانا بكي الطفيل، وفذا عيط ملاك مولانا لاجر من السما وكالها: اتني اشفاكعك يا هاجر؟ لا تخافي بيبي مولانا اسمع بكي الطفيل من لبيدة الي فيها.
 18 كومي ورفديه وضيه شورك. بيبي لاهي انعدلو أمة اكبيرة.
 19 وافتح مولانا عينين هاجر وتعلتها حاسي من الماء. وامشات واملات لكربة واسكات الطفيل.
 20 وكان مولانا امع الطفيل. والين اكبر إسماعيل، اسكن نخلوات فاران وعاد اخباري فارماية السهم.
 21 وعرضتو أمو امع امرة مصرية.
 22 وفذا الوقت كأل أيمالك وقائد جيشو فيكول للنبي إبراهيم: نحنا لاحظنا اعن مولانا امعك فكل شي اتعدلو،
 23 واندورك فترك تحفلي اعلى مولانا اعنك مانك لاهي تغدر بي ولا تغدر بنسلي ولا أولادي، واحفلي اعنك لاهي تعرف شي لشعبي الي اتغربت بينهم كيفما أنا احسنت اعليك.
 24 وكال النبي إبراهيم: راني حالفك.
 25 وعاتب النبي إبراهيم أيمالك اعلى أساس الحاسي الي كبطوها اعبيد أيمالك بالقوة.
 26 وكال أيمالك: أنا ما تعرف من اكبط هاذا الحاسي، واننا املي ما كيتلي من اكبطها. وأول مرة نسمع بذا هو اليوم.
 27 وفذا اعطا النبي إبراهيم لأيمالك اغنم وابكر واكقطع كلهم امع لوخر عهد.
 28 وعزل النبي إبراهيم اسبع اعجاج من غنمو اعلى زر.
 29 وكآلو أيمالك: شني الغاية من اعزبل هاذا اسبع اعجاج وحدهم؟
 30 وكآلو النبي إبراهيم: هاذا اسبع اعجاج انكدهما بين ايديك تشهد اعلي أنا هو الي احفرت هاذي الحاسي.
 31 ولهذا السبب سما هاذي لبيدة بئر السبع الي معناها حاسي الخلفة. بيبي أيمالك والنبي إبراهيم كل واحد منهم احلف فم.
 32 وبهاذي الطريقة كطعوا لأشئين عهد اميناتهم فبئر السبع. ومن فم كأم أيمالك وفكول قائد جيشو ورجعو شور اراض الفلشطييين.
 33 واغرس النبي إبراهيم نوع من الصدر كيف الكبات فبئر السبع وصلّى فم لله تعالى للإله الي كان موجود سابك كل شي.
 34 واسكن النبي إبراهيم فارض الفلشطييين ياسر من الزمن.

- 1 وبعد بلين اسكن النبي إبراهيم فارض الفلشطييين، كإم مولانا وأمتحن النبي إبراهيم وعيطلو: يا إبراهيم! وكال النبي إبراهيم: اراعيني يا مولانا.
- 2 وكال مولانا للنبي إبراهيم: اكپظ ولك إسحاق الي امعاك والي تبغي، وامشي شور ارض المريا، وذبحو فم، وحركو، وكدمو كيفت قربان اعلی وحدة من ذوك لكدا الي لاهي انتعلك.
- 3 وانهار من غد اوعا النبي إبراهيم امع الصباح واحزم اعلی احمارو، وامشا امعاه بإثنين من اعبيدو وامعاهم ولو إسحاق، وجهز لحطب اياك يحرلك اعلیه القربان، وامشا اعلی جبية لبليدة الي كآلو مولانا.
- 4 وانهار الثالث ركب النبي إبراهيم وجهو وشاف لبليدة الي كآلو مولانا من ابعيد.
- 5 وكال النبي إبراهيم للعبيد الي امعاه: اېكوا هون امع لحمار اياك نمشي آنا امع الطفيل وانصلو لمولانا، ومن فم زرجولكم.
- 6 وكإم النبي إبراهيم ورقد إسحاق لحطب، وارقد النبي إبراهيم مشعل النار والموس، وامشاو فبلد.
- 7 وكال إسحاق لبوه النبي إبراهيم: يا بوي! وكآلو النبي إبراهيم: اراعيني يا ولي. وكآلو: ويهو نخروف الي لاهي يحرلك كيفت قربان؟ بيئي إسحاق شاف النبي إبراهيم عندو النار والموس يغير ما شاف نخروف.
- 8 وكال النبي إبراهيم لإسحاق: مولانا لاهي يدير نخروف الي لاهي يحرلك كيفت قربان، لا يشطنك شي. وواصلو مشيم فبلد.
- 9 والين لحيكو لبليدة الي كإل مولانا للنبي إبراهيم، كإم النبي إبراهيم وابنا فم مذبح، واجمع لحطب، وكنتف النبي إبراهيم ولو إسحاق ودارو فوق المذبح فوق لحطب.
- 10 ومد النبي إبراهيم ايدو واكپظ الموس اياك يذبح ولو إسحاق.
- 11 وفذا عيطلو ملاك الله تعالى من السما: إبراهيم إبراهيم! وكال النبي إبراهيم للملاك: اراعيني.
- 12 وكال الملاك للنبي إبراهيم: لا اتركب ايدك اعلی الطفيل، ولا اتعدلو أي شي. آنا ظرك اعرفت اعلنك خايف من مولانا، ولا ابخلت ابولك الوحيد اعلی مولانا.
- 13 ونخرس النبي إبراهيم اوراه وشاف كبش متعلك باعراش الصدر. وكإم كإسو وجابو وذبحو وحركو القربان بل ولو.
- 14 وسما النبي إبراهيم ذيك لبليدة باسم يهوه برأه الي معناه الله تعالى يدير. ولهاذا السبب ينكال اليوم: فكدية الله تعالى يدير.
- 15 وعيط ملاك الله تعالى للنبي إبراهيم من السما مرة اخرا
- 16 وكإل: اراعيني لخفلتك بيكلي عدلت ذا الي اطلبت منك ولا احكمت عني ولك الوحيد .
- 17 لذاك لاهي اباركك وانكرت ذريتك ويعودو عددهم كيفت انجوم السما وكيفت احصي التراب لبحر، ولاهي تورث ذريتك مدن اعدائها.

- 18 وبذريتك تبارك جميع أمم لارض بيك الي اسمعتلي.
- 19 وعاكب ذاك ارجع النبي إبراهيم شور اعبيدو لأثنين ورجعو كاملين شور بر السبع بل انتين ساكن النبي إبراهيم.
- 20 وانكال للنبي إبراهيم عاكب بلين خلپكت هاذو لمور: اراعينا ملكة خلكوها أولاد نخوك ناحور:
- 21 عوصا هو لبر وخواه بوذا وقوتيل بو آرام
- 22 وكاسد وحزوا وفداس ويدلاف وبتوتيل .
- 23 واخلاف لبتوتيل رفة. هاذو الثمانية خلاتهم ملكة لناحور خو النبي إبراهيم.
- 24 واملي خلاتلو خادمو الي اسمها رؤومة: طايح وجاحم وتاحش ومعكة.

23

بركة النبي إبراهيم

- النبي إبراهيم يشرّف من خلال الشعوب الي احذاه وقت موت اعيالو
- 1 وعاشت سارة 127 سنة من لعمر.
- 2 وماتت قفربة حبرون فارض كنعان. وجا النبي إبراهيم امتكدر اياك بنوح اعلی سارة.
- 3 والين كإم النبي إبراهيم من كإدام جثمان سارة كإل للحيثيين:
- 4 آنا خاطر وضيف عندكم وطالبكم تعطوني اقبر ندفن فيه اعيالي الي ماتت.
- 5 وكآولو الحيثيين:
- 6 اسمع يا شيخنا اتا مولانا عدلك زعم بيننا، اكپظ ندفن اعيالك فازين اقبورنا، ما فينا حد لاهي يحكمك عن ندفن اعيالك فقبرو.
- 7 وكإم النبي إبراهيم اركع كإدام الحيثيين أهل لبلاد يشكرهم.
- 8 وكإم النبي إبراهيم: إلى عدتو تبغوني اصا ندفن اعيالي، فاسمعوني واتوسطولي فعفرتون ول صوحر

- 9 اياك يبيعي مغارة المكفيلة الي بملك والي اعلى زر احريثو، ويبيعهالي بسعرا كامل اياك اعدلها مدفلي.
- 10 وفذا الوقت كان عفرون الحيثي كاعد امع اجماعو وكال للنبي ابراهيم كدام كل الحيثيين الي اجمعو عند بوابة المدينة:
- 11 لا يا شيخي اسمعلي، لاهي تعطي احريثي ولمغارة الي فيه هدية مني لك. وشعي شاهد اعلى ذاء، وادفن فيها اعيالك.
- 12 وارمع النبي ابراهيم يشكر الحيثيين مرة اخرا.
- 13 وكال النبي ابراهيم لعفرون كدام الحيثيين: حكلا اسمعني، آنا نبغي ندفع صولك لحريفة واپكل مني هاذا اياك انكذ ندفن اعيالي فيه.
- 14 وجاوبو عفرون وكالو:
- 15 اسمعني يا شيخي، هاذي لارض قيمتها 5 كيلوات من الفظة، وهاذا المبلغ بلا قيمة بيني وبينك، وادفن اعيالك.
- 16 واپكل النبي ابراهيم مبلغ الي اعرض اعليه عفرون واوزن النبي ابراهيم لعفرون 5 كيلوات من الفظة كدام الحيثيين حسب الوزنة الي متعارف اعليها عند تجارهم.
- 17 وصيحت احريفة عفرون الي فالكفيلة الي اكريب من ممرا ولمغارة الي فيها وكل الصدر الي لحريفة
- 18 للنبي ابراهيم وهاذا اشهد اعليه كل الحيثيين الي اجمعو عند بوابة المدينة.
- 19 وعاكب ذاك كإم النبي ابراهيم وادفن اعيالو سارة فامغارة المكفيلة اكريب من ممرا الي هي حبرون فابلاذ كنعان.
- 20 واملك النبي ابراهيم من الحيثيين لحريفة ولمغارة الي فيها وعادو مدفولو.

24

بركة النبي ابراهيم

- اعبال إسحاق أباركت بسبب أهلها اياك تجبر ياسر من الذرية
- 1 وعاكب فترة من الزمن استكمل النبي ابراهيم حتة وباركو الله تعالى فكل شي.
- 2 وكال النبي ابراهيم لشيوخ اعبيدو والي هو مسؤول عن كل شي فدار النبي ابراهيم: دير ايدك تحت كإيمتي،
- 3 واحلفلي اعل الله تعالى إله السما و الارض اعنلك ما اعترس لولي أي امرة من أهل كنعان الي آنا عابش امينياتهم.
- 4 وتمشي شور بلدي وخفطي وتكبظ امرة منهم لولي إسحاق.
- 5 وكال لعبد للنبي ابراهيم: وإلى عادت مرة الي لاهي نكبظ لإسحاق ما تبغي تمشي شور هاذي لارض، وفذي الحالة مندرا يكانك تبغيني انجيب إسحاق للبيدة الي اتا جاي منها؟
- 6 وكالو النبي ابراهيم: عسك من اترجع ولي لقم.
- 7 الله تعالى إله السما الي اكبطني من دار بوي ومن وطني وتكلم امعاي واحلفلي وكإي: اندور نعطي هاذي لارض لنسلك. يدور يمشي كدامك ملاك اياك تكبظ امرة لولي من ارض أهلي.
- 8 وإلن ترفض مرة تمشي امعاك، اتعود اتا فهاذي الحالة عدلت الي احلفتي اعليه. يغير لا اترجع ولي لذيك لارض.
- 9 ودار لعبد ايدو تحت كإيمة النبي ابراهيم واحلف لشيوخ اعنلو لاهي يعدل ذا الي احلفلو اعليه.
- 10 واكبظ لعبد 10 اجمال من حيوان النبي ابراهيم ورفد اجمال من كل الخير الي عند شيخو. وامشا واعد أرام النهرين لبيدة الي فيها ناحور.
- 11 وإلن كبر، برك اجمال خارج لمدينة احذا حاسي من الماء. وكان هاذا امع مغرب الشمس، وذا كان وقت وخيظ لعليات اياك يوردو فالحاسي.
- 12 واطلب لعبد وكال: يا الله تعالى إله شيخي النبي ابراهيم، يسرلي امري اليوم واحسن اعل شيخي النبي ابراهيم .
- 13 آنا اراعيني واكف عند الحاسي ولعليات هاذي لمدينة لاهي يوخظو يوردو.
- 14 ولمرة الي انكولها: نزلي كدرتك اياك نشرب، وتسكيني وتسكيني اجمالي، اتعود هي لمرة الي احترت لعبدك إسحاق. وبهاذي الطريقة اتعود اعرفت اعنلك احسنت اعل شيخي النبي ابراهيم.
- 15 وسابك يوفي عبد النبي ابراهيم دعاؤو، جات رفقة منت بتؤيل ول ملكة اعيال ناحور خو النبي ابراهيم وكدرتها اعل اكنفها.
- 16 وكانت اشوية ازوية حتة واعزبية ما كطط مسها راجل. وكاست ظاية الماء واملات كدرتها وكيمت ماشة.
- 17 وادفع عبد النبي ابراهيم شورها وكالها: اسكيني اشوي من الماء من كدرتك.
- 18 وكاللو رفقة: اشرب يا شيخي ونزلت كدرتها بالعجلة اعل ايديها واسكيتو.
- 19 وعاكب يلين اسكيتو كاللو: لاهي انجيب املي الماء لاجمالك اياك نسكيمهم.
- 20 وصبت كدرتها بالعجلة فحوظ الماء ودفعت شور حاسي وتورد الماء يلين اسكيات اجمالو كاملين.
- 21 وكان عبد النبي ابراهيم امراقها فذا كامل الي اتعدل من دون كلام اياك يعرف يكاتها هي الي اختار الله تعالى لإسحاق وللا ابدى.

- 22 وإين شربت اجمال، اكهظ لعبد ووظخ حزمة من الذهب وزنها ابركريم من 6 ابرامات ووظخ املي أسوارين من الذهب وزنهم 120 ابرام.
- 23 وسول لعبد رفة وكلمها: انتي منت من؟ كويلي مندرا يكانا انكدو نجيرو ابليدة انباتو فيها فدار بوك؟
- 24 وكالتو رفة: آنا بوي هو بئوئل ول ملكة وناحور.
- 25 وكالتو املي: عندنا لحشيش وياسر من لعلف وعندنا املي بل امنين انباتو فيه.
- 26 وفدا اركم واسبجد لعبد لله تعالى يشكرو.
- 27 وكال: اتبارك الله تعالى إله شيخي النبي إبراهيم الي ما امنع كرمه وزاهتو عن النبي إبراهيم. وكال لعبد: الله تعالى سهداني اعلى دار اخوت شيخي النبي إبراهيم.
- 28 ودفعت رفة شور دار أمها وردت اعليها الي اخلاب.
- 29 وكان عند رفة خو ينكولو لابان. وكام لابان وامشا واخط شور لعبد الي عند الظاية
- 30 بيبي فات شاف حزمة الذهب وأسوارين فايدين اختو رفة، واسمع املي اكلام رفة عن لعبد الي اجبرت، واجبر لابان لعبد واكف احدًا اجمالو ابركريم من الظاية.
- 31 وكال لابان للعبد: اتفضل اتنا امباركك الله تعالى. اعلاش اتنا واكف الكدام؟ آنا جهزت الدار وجهزت املي ابليدة يستراحو فيها اجمالك.
- 32 وكاس لعبد الدار واتزل لابان وعبيدو الي كاتو رافدين اجمالو واعطاو لاجمال لعبد لحشيش ولعلف، وجابولو شي من الماء هو والي كان امعاها اياك يغسلو بكرعهم.
- 33 وطرحو كدامو اطعام اياك يوكل، يغير سابك يوكل كال: ماني لاهي نوكل سابك ما بلكم الي عندي. وكال لابان لعبد النبي إبراهيم: اتفضل كقول الي عندك.
- 34 وكال لابان: آنا عبد للنبي إبراهيم.
- 35 والله تعالى بارك حته شيخي النبي إبراهيم وعاد زعيم. والله تعالى اعطاه لغن ولبكر والفظة والذهب ولعبيد وخدم والبل وحمير.
- 36 وخلاتو سارة اطفيل عاكب ما استكهلت واعطاه بوه النبي إبراهيم كل أملاكو.
- 37 واحلفلي شيخي النبي إبراهيم وكألي: لا اتعرس لولي إسحاق أي امرة من الكنعانيين الي آنا ساكن فيلادهم.
- 38 وكألي: كپيس أهل بوي وعاياتي واكھظ امرة لولي.
- 39 وكپت لشخي النبي إبراهيم: وخالة لمة الي لاهي نجبر ابات تمشي امعاي شور كنعان؟
- 40 وكألي النبي إبراهيم: الله تعالى الي امشيت آنا اعلى اطريكو يدور يمشي ملاكو ويوقفك فهمتمك اياك تكبظ اعيال لولي إسحاق من عائلتي ومن أهل بوي.
- 41 وكألي شيخي النبي إبراهيم: وإلي جيت لأهلي ورفضو يعطوهالك، فهاذي الحالة نطلصك من الحلقة الي احلفتي اعليها.
- 42 وكپست اليوم الحاسي وإين الحكبتها اطلبت الله تعالى ويكلو: يا الله تعالى إله شيخي النبي إبراهيم، آنا طالبك اتوقفتي فاللي اعلى أساسو آنا سافرت.
- 43 آنا اراعيني واكف كدام الحاسي. اندورك تجعل الشوية الي لاهي اتجي اياك توردا الماء والي يلين نطلب منها: تسكيني من الماء،
- 44 واتكولتي: اشرب اتنا وآنا لاهي نسبي اجمالك املي. اتعود هي الشوية الي اختارها الله تعالى لإسحاق ول شيخي.
- 45 والوقت الي كنت نطلب فيه مولانا واناجي فيه نفسي، فذا شفت رفة جاية ورافدة كدرة اعلى اكافها، وكاست الحاسي توردا الماء ويكلمني: طالبك تسكيني.
- 46 ودفعت وطرحت كدريتها وكألي: اشرب اتنا ولاهي نسبي املي اجمالك.
- 47 وسولتها: منت من انتي؟ وكألي اعلنها منت بئوئل ول ناحور الي خلاتو ملكة. واكھظت ودرت الخاتم فاخترافها والسوار فايديها.
- 48 وكبت واسبجدت وباركت الله تعالى إله شيخي النبي إبراهيم الي سهداني شور الطريبي لمسكة اياك نكبظ منت خو النبي إبراهيم لولو إسحاق.
- 49 وظرك كقولني إله عدتو لاهي اتعدلو ذي الغاية لشخي النبي إبراهيم، وللا طلصوني واخلوني انكيم واعد ابليدة اخرا.
- 50 وكالولو لابان هو وبئوئل: ذي لمردة جات من عند الله تعالى ونحنا ما انكدو انكولوك اهيه ولا ابيدي.
- 51 رفة اراعياها كدامك. اكهظها وامشي بيها اياك اتعود اعيال لأول شيخك النبي إبراهيم كيفت ماراد الله تعالى.
- 52 وإين اسمع عبد النبي إبراهيم اكلامهم، ابرك اعلى التراب ساجد لله تعالى.

- 53 ووحظ لعبد اديار من الفضة والذهب ولباس واعطاهم لرفقة واعطا املي نطوها وأما هدايا غالية.
- 54 وكال واشرب هو ورجالتو وباتو ليلتهم فم. والين اوعاو امع الصباح كآلهم: اعطوني اطريپك اياك تزجع شور شيخي النبي إبراهيم.
- 55 وكالولو خو رفقة وأما: خلي رفقة تبيكي امعانا 10 أيام وللا ذاك ومن فم تمشي.
- 56 وكآلهم لعبد: لا تحسروني ، الله تعالى سبكي اطريپي ، خلوني تمشي شور شيخي النبي إبراهيم.
- 57 وكالولو: لاهي انعطو لرفقة وانسلولوها عن رأياها.
- 58 وعيطو لرفقة وسولوها: تبغي تمشي امع ذا الرجل؟ وكآلهم: اهيه نبغي تمشي.
- 59 واخلو رفقة تمشي وامشات امعاها امرطعتها وعبد النبي إبراهيم ورجالتو.
- 60 وباركو رفقة وكالوها: اعليك بركة مولانا. انتي ختنا عدلي ياسر من الذرية اياك اتعود آلاف مؤلفة وتورت ذريتك مدن اعدائها.
- 61 وكآمت رفقة واحدها وركبو اجمال وامشاو اورا عبد النبي إبراهيم. وكيم لعبد برفقة ماشي بيها.
- 62 وفذاك الوقت كان إسحاق اللي ساكن فالنقب ارجع من الطريپك اللي بينكأها حاسي الحلي اللي يراعي في.
- 63 وفدحميساية امشا واعد النطولات اياك يتحتم. فذا شاف اجمال جاية .
- 64 ورفعت رفقة هي املي عنها وشافت إسحاق، وتكرت عن اجملها.
- 65 وسولت عبد النبي إبراهيم وكألتو: منهو هادا الرجل اللي ماشي فالحرث اياك يتكألنا ؟ وكألها لعبد: هادا شيخي إسحاق. وكبظت حوليا واتحجبت عنو.
- 66 وعاكب ذاك رد لعبد اعلى إسحاق ذا كامل اللي اخلك.
- 67 ودخل إسحاق رفقة شور خيمة أمو سارة واتعرس امعاها وايقاها حتة واتعزأ بيها عاكب موت أمو سارة.

25

بركة النبي إبراهيم

- عاكب موت النبي إبراهيم بركتو اتكيس ولو إسحاق
- 1 وعاكب ذا كآم النبي إبراهيم واتعرس امع امرة اسمها قطورة.
- 2 وخلاتلو زمران ويقشان ومدان ومديان ويشباق وشوحا.
- 3 وخلا يقشان شبا ودادان ، وأولاد دادان هوما الأشوريم وللطوشيم ولأميم.
- 4 وأولاد مديان هوما عيفة وعفر وحونك وأبداع وألدة ، وهاذو كاملين جابين من ذرية قطورة.
- 5 وورث النبي إبراهيم للنبي إسحاق كل أملاكو.
- 6 واعطا لولادو من خدمو هدايا وقت محدو كان حي، وارسلهم اعلى جيبة الشرق ابعيد عن ولو إسحاق.
- 7 وعاش النبي إبراهيم 175 سنة.
- 8 ومات النبي إبراهيم بشيبة سالحة وانضم إلى اسلافو.
- 9 ودفنو إسحاق وإسماعيل بوهم النبي إبراهيم فامغارة المكفيلة فخرث عفرون ول صوحر الحثي اللي احذا مرأ.
- 10 وهو الحرث اللي كط اشرا النبي إبراهيم من الحثيين وفيه اندفنو سارة والنبي إبراهيم فرز بعض.
- 11 وعاكب موت النبي إبراهيم بارك مولانا إسحاق ولو واسكن إسحاق عند الحاسي الحلي اللي يراعي في.
- 12 وهاذا يسجل أولاد إسماعيل ول النبي إبراهيم اللي خلاتو هاجر المصرية خادم سارة لإبراهيم.
- 13 وهاذي أسامي أولاد إسماعيل مرتبة حسب اخلاقتهم: نبايوت هو بكر إسماعيل وقيدار وأدبئيل ومبسام
- 14 ومشماع ودومة ومسا
- 15 وحدار وتيماء ويطور ونافيش وقدمة.
- 16 وهاذو هوما أسامي أولاد إسماعيل وعادو الشيوخ للثاني عشر قبيلة فيلبادات مختلفة.
- 17 وعاش إسماعيل 137 سنة ومات وانضم شور اسلافو.
- 18 واسكن نسلو فيلبدة اللي امبين حويلة وشور اعلى حدود مصر اعلى الزر الشرقي من مدينة أشور، وكانو اعلى عداوة امع أولاد عمهم.
- 19 وهاذا يسجل أولاد النبي إسحاق: إبراهيم خلا إسحاق،
- 20 وكان النبي إسحاق عندو 40 سنة فالوقت اللي اتعرس فيه امع رفقة منت بتؤيل لأرامي اللي جاي من واد آرام، وكانت خت لابان لأرامي.
- 21 وكانت رفقة اعيال النبي إسحاق عاكبو. وكآم النبي إسحاق واطلبها الله تعالى اياك تجبر الذرية. واستجابلو الله تعالى وحملت رفقة.
- 22 وادايكو أولادها وهوما مزالو فكرشها، وفذا كآلت رفقة: اعلاش يخلبكي ذا؟ وامشات رفقة اتصلي واتسول الله تعالى عن السبب.

23 وكألها الله تعالى:

فكرشك أمتين ويفاركو من هاذو لأمتين شعبين ، واحد منهم يكلب لوخر ، وولك لكبير يستعبدو الصغير.
24 والبن الحلك وقت بريها ابرات رفقة اعلى اتواما.

25 واخلك لأول احمر واملان من ازغب. وسماوه عيسو اللي معناه لمزغب.

26 وعاكب اشواي اخلك خوه، وهو كارد اكراع عيسو. وسماوه يعقوب اللي معناه لمخادع . ووقت اخلاقتهم كان النبي إسحاق عندو 60 سنة.

27 وكبرو التركة وكان عيسو اخباري فالصيد ويبغي الخلوات. ويعقوب كان عكسو بارد ويبغي لكعاد فانخيام.

28 وكان عيسو هو لمفضل عند النبي إسحاق ببلي يجبلو من صيدو. وكانت رفقة غالي اعليها يعقوب.

29 وفيوم من لأيام يلين ارجع عيسو من الخلوات فتران، اجبر يعقوب انصب اطعام زين.

30 وكال عيسو ليعقوب: غديني من ذا الطعام لخر. آنا ميت بي الجوع. ولهاذا السبب عيسو أتما أدوم اللي معناها لخر كيف الطعام اللي كال .

31 وكال يعقوب لعيسو: لاهي انغديك بشرط اعلتك اتبعلي بكوريتك .

32 وكال عيسو ليعقوب: اعلى ذي الحالة آنا لاهي نعكب نموت بالتالي شنهى الفائدة من بكوريتي؟

33 وكال يعقوب: احلفلي ظرك . واحلفلو عيسو وبهاذي الطريقة باع عيسو بكوريتو ليعقوب.

34 واعطا يعقوب لعيسو شي من امبورو ولعدس وكال عيسو واشرب وكيم ماشي. وبهاذي الطريقة احتقر عيسو فائدة لبكورية.